

Enkontru Konsellu Administrasaun FDCH ba Dala 21

Halo apresiasaun ba Programa Sira Ne'ebé Implementa no Aprova Tetu Orsamentu 2022



Secretariado Técnico do FDCH,
Edifício 5, 1º Andar, Palácio do Governo, Dili, Timor-Leste.

website: www.fdch.gov.tl

youtube: FDCH-MESCC

fanpage facebook: Fundo de Desenvolvimento do Capital Humano- FDCH

email: info@fdch.gov.tl

Lia Menon



Sr. Longinhos dos Santos M.M

Presidente do CA-FDCH e
Ministro do Ensino Superior,
Ciência e Cultura - MESCC

Sani nain Bulletin Trimestral FDCH ne'ebé maka sempre akompaña atividade ST-FDCH nia liuhusi meus komunikasaun ida ne'e, espera ita boot sira hotu nafatin ho kondisaun ne'ebé saudável nafatin hodi hala'o ita boot sira nia atividade lora-lora nian ho bensaun Nain Maromak nian.

Iha lora 26 fulan Jullu tinan 2021 liu ba CA-FDCH konsege realiza reuniaun hodi halo -apresiasaun ba programa sira ne'ebé implementa no aprova tetu orsamentu 2022, iha reuniaun ne'e mós konsege halo aprovasaun ba harmonizasun kustu moris ba programa bolsa estudu iha rai laran no rai liur.

Haree ba programa bolsa estudu ne'ebé maka iha ho nune'e ita iha hanoin ida hodi haree mós ba deketu lei sira ne'ebé maka iha atu bele fasilita ita hodi implementa programa ne'e ho diak nune'e equipa Jurista, Asesor no tekniku sira husi Ministeriu Ensinu Superior Siensia no Kultura hamutuk ho equipa husi ST-FDCH konsege elabora projetu deketu lei ne'ebé mak iha, atu ita apresenta iha konsellu ministru hodi halo aprovasaun.

Projetu Dekretu-Lei kona-ba rejime atribuisaun bolsa estudu iha estranjeiru ne'ebé revoga Dekretu-Lei n. 30/2008, lora 13 fulan-agostu, hetan ona mós aprovasaun husi Konsellu Ministru, ba atribuisaun bolsa estudu iha estranjeiru ne'ebé sei regula husi diploma ministerial MESSK nian, bazeia ba regulamentu Fundu Dezenvolvimentu Kapital Umanu nian (FDCH-Sigla portugues). Nunee, pretende, atu garante loloos aplikasaun regulamentu FDCH nian, hodi hadi'a mekanizmu sira atu proteje estudante timoroan sira iha estranjeiru no atu klarifika katak hadi'a no moderniza mós sistema juridiku iha setór ensinu superior nian.

Enkontru CA-FDCH ba dala 21 no ba dala rua iha VIII Governu nia mandatu ne'e termina ho nomeasaun Diretor Ezekutivu FDCH Sr. Hermenegildo da Silva hodi substitui Diretora Ezekutiva Sra. Leila M.L. Carceres dos Santos ne'ebé rezigna-an tanba asuntu familia.

Iha Trimestre ida ne'e konsege realizaun Programa Bolsa Estudu Foun ho naran Bolsa Hakbi'it ne'ebé maka nia alvu ne'e ba Kbi'it laek nia oan sira, ne'ebé mak iha abilidade intelektual, hafoin ultrapasa prosesu lubuk ida, ita konsege asina MoU ho Universidade sira atu nune'e bele simu ita nia estudante bolsa hakbi'it sira hodi ba hala'o estudu iha sira nia instituisaun.

Bazeia ba diploma Ministerial N. 9/2021 de Março iha lora 25/02/2021 Sekretariadu Tékniku FDCH hahú forma ekipa tékniku ne'ebé kompostu husi ST-FDCH, Ministeriu Edukasaun, Juventude no Desportu (MEJD) no Ministeriu Solidariedade Sosiál (MSSI) iha Munisipiu sira hodi halo inskrisaun ba kandidatu bolseiru sira ne'ebé atu hala'o sira ninia estudu iha universidade privadu sira iha rai-laran ho programa Bolsa Hakbi'it. Hafoin halo inskrisaun kontinua ho Konsege halo selesaun no aprovasaun ba kandidatu ne'ebé admitidu ka pasa hamutuk 410 hodi ba hala'o estudu iha instituisaun ensinu superior privadu ne'ebé molok ne'e estabese ona memorandu entendimentu ho FDCH.

Atu hakotu hau nia intervensaun iha Bulletin Trimestal ida ne'e hakarak komvida nafatin Sani nain sira ne'ebé maka seidak simu Vacina karik, atu bele hakbesik an ba iha sentru saude sira ne'ebé maka besik ita boot sira nia hela fatin hodi simu vacina, atu nune'e bele evita daet husi COVID-19 ne'e rasik no sai rekizitu atu fasilita iha ita-boot sira-nia movimentasaun no ita boot sira-nia moris lora-lora, husu mós atu ita hotu kumpre nafatin regra sanitária ne'ebé rekomenda husi Ministeriu Saúde no mós Organizaun Mundiál Saúde to'o wain-hira ita bele atinje ona persentájen vasinasun ne'ebé aas hanesan Nasaun sira seluk.

Ikus liu espera informasaun sira ne'ebé maka equipa Media husi FDCH prepara ona iha Bulletin Trimestral ida ne'e bele sa'i núdar informasaun ne'ebé pertinente ba sani na'in sira no bele responde sani na'in sira nia ezijensia hodi hetan informasaun sira be relasiona ho atividade tomak ST-FDCH nia, liga ba programa prinsipal ne'ebé maka iha, hanesan Bolsa Estudu, Formasaun Teknika, Formasaun Profesional no Tipu Formasaun Seluk. Obrigadu.


S.E. Sr. Longinhos dos Santos M.M

Presidente do CA-FDCH e

Ministro do Ensino Superior, Ciência e Cultura - MESCC

Lia Menon



Hermenegildo da Silva, MdP
Diretor Executivo do
FDCH - MESCC

Loron diak sani na'in Bulletin Trimestral FDCH nian, ksolok tebes bele kumprimenta ita boot sira liu husi meus komunikasaun ida ne'e ho esperansa katak ita boot no mós familia hotu kontinua saudavel.

Hanesan ita hotu hatene katak durante tinan 2020 to'o mai ohin loron ita hasoru situasaun estadu emerjensia tanba kauza husi propagasaun virus ne'ebé obriga ita nia Governu tengki foti desizaun sira hotu hodi aplika Serka sanitaria inklui komfinamentu obrigatóriu.

Meus sira ne'ebé implementa ho razaun ida deit maka oinsá bele kombate virus ne'e rasik no rekursu ikus liu maka ita hotu tengki hakbesik an ba iha sentru saude sira hodi bele simu vasina atu bele evita da'et husi COVID-19 ne'e rasik no ida ne'e mós sai núdar rekeztus ida hodi nun'e fasilita ba ita nia movimentasaun no moris lor-loron nian.

Solisita nafatin ba ita hotu atu kumpre nafatin regra sanitária ne'ebé rekomenda husi Ministériu Saúde no mós Organizasaun Mundiál Saúde to'o wainhira ita bele atinje ona persentájen vasinasau ne'ebé aas hanesan Nasaun sira seluk.

Iha oportunidade ida ne'e, hakarak hatoo mós hau nia agradese boot ba komfiansa ne'ebé maka atribui ona mai atan hau liu husi desizaun Konsellu Administrasaun FDCH ne'ebé maka realiza iha loron 26 fulan Jullu tinan 2021 ne'e hodi bele lidera FDCH. Komfiansa ne'ebé atribui mai ne'e la'os preveleizu ida ka oportunidade ida maibé ne'e núdar misaun importante ida atu oinsa bele alkansa objetivu no interese hodi nun'e dezenvolve rekursu umanu iha ita nia nasaun doben ida ne'e bazeia ba programas no planu sira ne'ebé maka iha ona.

Iha trimestre ida ne'e, mesmu iha situasaun estadu emerjensia nia laran, serka sanitaria no komfina-mentu obrigatóriu nia laran maibé iha servisu lubuk ida maka konsege realiza, ida ne'e ita bele haree husi realizasaun ba iha programa Bolsa Hakbi'it ne'ebé maka nia alvu ne'e ba Kbi'it laek nia oan sira ne'ebé mak iha abilidade intelektual, ST-FDCH mós halo Kooperasaun ho INCT hodi realiza Estudu Avaliasaun ba programa FDCH nian husi tinan 2015-2020 no mós programa Ezistente sira hotu. Husi ST-FDCH mós kontinua halo monitorizasaun ba iha sentru formasaun sira no ba Liña Ministeriál sira ne'ebé maka realiza hela formasaun teknika no servisu atendumtu ba pagamentu ba Benefisiariu sira no parseiru sira inklui servisu importante sira seluk.

Núdar Diretor Ezekutivu ba iha Fundo de Desenvolvimento do Capital Humano, solisita nafatin ba funsionariu sira hotu iha ST-FDCH atu nun'e kontinua hatudu prestasaun servisu, mantein di-siplina ba iha oras servisu nia, disiplina iha fatin servisu, respeita malu no responsabiliza ba servisu sira ne'ebé maka atribui ba ita idak-idak.

Ikus liu, agradese ba sani nain Bulletin Trimestral FDCH nian ne'ebé maka sempre akompañia pub-likasaun sira ba atividade tomak ST-FDCH atraves Bulletin Trimestral durante ne'e, no fiar katak informasaun sira ne'ebé maka equipa Media FDCH prepara iha Bulletin Trimestral ida ne'e bele sa'i núdar informasaun ne'ebé importante ba sani na'in sira no bele responde sani na'in sira nia ezizensia hodi konsumu informasaun sira relasiona ho atividade tomak ST-FDCH nia liga ba iha programa prinsipál ne'ebé maka iha hanesan Bolsa Estudu, Formasaun Teknika, Formasaun Profe-sionál no Tipu Formasaun Seluk. Obrigadu.

Sr. Hermenegildo da Silva, MdP
Diretor Executivo do FDCH-MESCC

2. Lia Menon Ministru MESCC
3. Lia Menon Diretor Ezekutiva FDCH
4. Editoriál
5. Enkontru Konsellu Administrasaun FDCH ba Dala 21
7. Prezidente Juri ho Ekípa Anúnsiu Rezultadu Avaliasaun Bolsa Hakbi'it 410 ba Instituisaun Ensinu Superior Privadu
8. Bolseiru Bolsa Hakbi'it Na'in 910 Hahú Hala'o Estudu iha Instituisaun Ensinu Superior 14 Iha Rai Laran
15. FDCH Apresenta Progresu Taxa Ezekusaun Orsamentu livru 6 ba Liña Ministériu no Instituisaun Estadu Akreditadu sira
18. Relatóriu Ezekusaun Orsamentu
19. Liñas Ministeriais Akreditadas
22. Estudu Avaliasaun Daruak ba Rezultadu no Impaktu Programa FDCH 2015-2020.
26. Lensa FDCH
34. Perfil FDCH

Responsável Jerál :

Hermenegildo da Silva, MdP Diretor Ezekutiva FDCH

Responsável Gabinete Jestaun Sistema Informasaun

Henrique do Rosario (Koodenador GAGESI)

Responsável Redasaun:

Maxi Boavida (Chefe Departamentu Media no Relasaun Públika)

Editor : **Maxi Boavida & Joanico D. Guterres**

Editor Textu : **Joanico D. Guterres**

Jornalista & Fotógrafo : **Joanico D. Guterres, Maxi Boavida,**

Rui A.F. da Silva

Grafismu & Layout : **Maxi Boavida & Joanico D. Guterres,**

Responsável Gabinete Aprovisionamentu no Logistika

Eusebio Barreto (Koodenador GAPLO)

Responsável Aprovisionamentu

Domingos Fernandes (Xefi Dep. DEAP)

Secretariado Técnico

Fundo de Desenvolvimento do Capital Humano (FDCH)

Eis Edifício do MF Edifício 5, 10 Andar, Palácio do Governo,

Dili, Timor-Leste .

website: www.fdoch.gov.tl

youtube : FDCH-MESCC

fanpage facebook: Fundo de Desenvolvimento do Capital

Humano - FDCH

email: info@fdch.gov.tl

BULLETIN TRIMESTRAL DO FDCH

PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional, Lda

Estrada de Taibesi Dili, Timor-Leste

TIRAGEM: 700 Exemplares

EDIÇÃO: Julho - Setembro de 2021

DIREITO DE AUTOR: Protegido

PUBLICAÇÃO:

Secretariado Técnico do FDCH

Sani nain Bulletin FDCH tomak ne'ebé maka sempre akompañia ami nia atividade atraves meus komunikasaun ida ne'e, espe- ra katak informasaun sira ne'ebé ami transfere ba ita boot sira ne'e bele responde ba iha ita boot sira nia nesesidade atu konsume informasaun sira ne'ebé mak importante atu ita boot sira bele ha- tene, liliu liga ho programa sira Bolsa Estudu nian, Formasaun Tekni- ka, formasaun profisionál no mós tipu formasaun sira seluk tan.

Iha trimestre ida ne'e equipa media ST-FDCH-MESCC halibur infor- masaun lubuk ida atu nun'e bele partilla ba sani na'in sira mak hane- san Enkontru Konsellu Administrasaun FDCH ba dala 21 ne'ebé mak iha enkontru ne'e halo apresiasaun ba programa sira ne'ebé implementa no aprova tetu orsamentu 2020, iha mós informasaun kona-ba anúnsiu rezultadu avaliasaun bolsa hakbi'it 410 ba instituisaun ensinu superior privadu, bolsa hakbi'it ne'e rasik antes ne'e iha trimestre liu ba FDCH es- tabelle kooperasaun ho instituisaun ensinu superior públiku no privadu hamutuk 15 no tuir kedas ho loke inskrisaun ba kandidatu ba bolsa hakbi'it, atu reforsa liu tan katak bolsa hakbi'it ne'e rasik oferese ba iha kbi'it laek nia oan sira ne'ebé mak iha kapasidade intelektuál maibé lai- ha kapasidade finansiamentu no estudante sira ne'e mai duni husi kbit laek nia oan. Iha mós informasaun re-intrega bolseirus bolsa hakbi'it ba iha instituisaun ensinu superior 14 iha rai laran. Redasaun prepara mós informasaun sira kona-ba Taxa Ezekusaun Orsamentu FDCH Jul- lu- Setembru 2021 nian inklui informasaun kona-ba estudo avaliasaun daruak ba rezultadu no impaktu programa FDCH husi tinan 2015-2020.

Redasaun kontinua agradese ba iha sani nai'in sira ne'ebé maka sempre buka hatene informasaun sira kona-ba FDCH nia atividade sira, re- dasaun mós rekonese katak Bulletin Trimestral FDCH nia nafatin iha prosesu atu desenvolve an hodi fahe informasaun sira, hadi'a qualidade informasaun, hadi'a qualidade dezeña no layout ho nun'e ami konti- nua nakloke ba kritika konstrutivu sira ne'ebé ho intensaun hodi hadi'a.

Redasaun mós hatoo'agradese ba equipatomak iha ST-FDCH ne'ebé sempre koopera diak ho redasaun nun'e bele finaliza Bulletin trimestral ida ne'e.

Halo apresiasaun ba Programa Sira Ne'ebé Implementa no Aprova Tetu Orsamentu 2022



Konsellu Administrasaun ba Fundo de Desenvolvimento do Capital Humano (CA-FDCH- sigla Portugues) iha kompetensia ne'ebé aas liu haktuir iha kapitulu II artigu 6, Dekretu-Lei nú 13/2020, 15 Abril, Regulamentu FDCH nian ne'ebé ho kompetensia Aprova planu asaun anual Fundu nian, Aprova proposta orsamentu anual Fundu nian, Aprova planu aprovizionamentu anual Fundu nian, Aprova relatóriu atividades anual Fundu nian, Aprova relatóriu kontas anual Fundu nian, Aprova relatóriu anual aprovizionamentu Fundu nian, Aprova programas, projetus no atividades seluk ne'ebé atu finansia husi Fundu, no mós estimativa ba kustu sira, bazeia ba prioridades ne'ebé estabese husi Konsellu Ministrus, Aprova opsaun sira ba finansionamentu kada programa no projektu ne'ebé atu finansia, Autoriza pagamentus no despezas tomak ne'ebé realiza husi Fundu de Desenvolvimento do Capital Humano.

Ho nunè, iha loron 26/07/2021 CA-FDCH realiza enkontru ba dala 21 no ba dala rua iha mandatu VIII Governu hodi halo apresiasaun ba ezekusaun Orsamentu Jerál Estadu (OJE) 2021 no aprova mós tetu orsamentu 2022 FDCH nian tuir pakote fiskal ne'ebé atribui husi Ministériu Finanzas mai FDCH.

Enkontru CA-FDCH ba dala 21 realiza iha sala reuniaun Novo Turismo ne'ebé prezide husi Sua Exelensia Ministru Ensinu Superiór, Siénsia no Kultura (MESCC) ne'ebé nu'udar Prezidente CA-FDCH Sr. Longinhos dos San-

tos no marka mós prezensa husi membru permanente CA-FDCH nian hanesan sua Exelensia Ministru Justisa Sr. Manuel Cárceres da Costa, Sua Exelensia Ministru Petróleu no Minerais Sr. Vítor da Conceição Soares, no Sua Exelensia Sekretáriu Estadu Formasaun Profisionál no Empregu Sr. Alarico de Rosario.

Iha Diskursu Prezidente CA-FDCH hatete enkontru CA-FDCH ne' realizat tinan ida dala ida hodi halo apresiasaun ba programa sira ne'ebé implementa no halo mós aprovaun ba tetu orsamentu ne'ebé atribui mai iha FDCH.

Enkontru CA-FDCH ne'e hahu ho apresentasaun husi Diretora Ezekutiva FDCH Sra. Leila M.L. Carceres dos Santos kona-ba taxa ezekusaun Orsamentu Jerál Estadu (OJE) 2021-Livru -6 hahu husi Janeiro-Jullu tuir programa kada instituisaun sira ne'ebé akredita mai FDCH.

Durante enkontru presidente ho membru CA-FDCH sira halo analiza no halo aprovasaun ba tetu Orsamentu Jerál Estadu (OJE) 2022- Livru 6 FDCH nian ho montante \$10 miloens tuir pakote fiscal ne'ebé atribui husi Ministériu Finanzas, maibe tanba orsamentu ba FDCH ki'ik liu kompara ho tinan sira anterior ho nune'e presidente ho membru sira halo aprovasaun hodi husu orsamentu adisional ho montante \$9.4 milloens hodi kompleta OJE FDCH ba 2022 ho total \$19.4 miloens.

Prezidente CA-FDCH ho membru sira aprova mós tabela kona-ba harmonizasaun kustu moris (Custo da vida) ba programa bolsa estudo no aprovasaun ba atualizasaun tabela orsamentu kona-ba pedidu apoiu individuais ba estudante sira iha rai-laran no rai-li'ur.

Autoriza mós implementasaun Estudu no Avaliasaun ba rezultadu programa FDCH nian durante periodu 2015-2020 ne'ebé ST-FDCH sei realiza ho kooperasaun Instituto Nacional Ciência e Tecnologia (INCT) ne'ebé antes ne'e asina ona memorandu entendimentu ho FDCH.

Nune'e mós Presidente CA-FDCH ho membru sira autoriza Sekretariadu Tékniku FDCH hodi halo analiza klean kona-ba rejime ba formadór nasonál no internasional ba programa formasaun profisionál no téknika hodi bele iha harmonizasaun ba kustu formadór sira.

Enkontru CA-FDCH ba dala 21 no ba dala rua iha VIII Governu nia mandatu ne'e termina ho nomeasaun Diretor Ezekutivu FDCH Sr. Hermenegildo da Silva hodi substitui Diretora Ezekutiva Sra. Leila M.L. Carceres dos Santos ne'ebé rezigna-an tanba asuntu familia. (Média_FDCH)



Prezidente Juri ho Ekipa Anúnsiu Rezultadu Avaliasaun Bolsa Hakbi'it 410 ba Instituisaun Ensiñu Superior Privadu



Hafoin Sua Exelensia Ministru Ensinu Superior Siénsia no Kultura no Prezidente Konsellu Administrasaun Fundo de Desenvolvimento do Capital Human Sr. Longuinhas dos Santos aprova tiha Diploma Ministerial N.º 9 /2021 de 10 de Março iha loron 25/02/2021, Sekretariadu Tékniku FDCH hahú forma ekipa tékniku ne'ebé kompostu husi ST-FDCH, Ministériu Edukasaun, Juventude no Desportu (MEJD) no Ministériu Solidariedade Sosiál (MSSI) iha Munisipiu sira hodi halo inskrisaun ba kandidatu bolseiru sira ne'ebé atu asesu ba hala'ò sira ninia estudu iha universidade privadu sira iha rai-laran ho programa Bolsa Hakbi'it.



Durante inskrisaun ba programa Bolsa Hakbi'it ne'ebé hala'ò iha munisipiu hotu nomós Rejiaun Administrativa Especial Oe-Cusse Ambeno (RAEOA), ekipa husi FDCH-MESCC simu dokumentu hamutuk 1705, husi numeru ne'e kandidatu ne'ebé liu iha prosesu verifikasaun dokumentus hamutuk 1500.

Ho nuné, tama ba iha faze selesaun dokumentu nian, Ekipa juri ba avaliasaun ba programa bolsa hakbi'it ne'ebé prezide direita husi Diretora Ezekutiva FDCH ne'ebé nu'udar Prezidente Juri Sra. Leila M.L. Carceres dos Santos ho nia membru na'in haat ne'ebé kompostu husi Diretora Jerál Ensinu Superior no Siénsia MESCC, Sra. Maria Filomena Lay Guiterres, Coordenadora UCAE-MESCC, Sra. Amelia de Araújo, Coordenadór GAGESI-FDCH Sr. Henrique do Rosario no Asesor Juridiku MESCC Sr. Pelágio Simões.

Konsege halo selesaun no aprovasaun ba kandidatu nebe admitidu ka pasa hamutuk 410 hodi asesu ba hala'ò estudu iha instituisaun ensinu superior privadu ne'ebé antes ne'e estabese ona memorandu entendimentu ho FDCH.

Benefisiariu ba programa Bolsa Estudu Hakbi'it ne'e sei hala'ò sira ninia estudu iha area estudu sira hanesan Agrikultura, Edukasaun, Enjeñaria, Saúde no Turizmu iha universidade sira tuir area estudu ne'ebé kandaitu sira deside bazeia ba sira ninia estudu final iha ensinu sekunadariu nian.

Hafoin anunsiau tiha rezultadu ne'e FDCH fó sai avizu hahú husi data 13 jullu 2021 kona-bá rezultadu kandidatu sira ne'ebé selesionadu ba vaga bolsa estudu hamutuk 410 no sei manda oficialmente naran sira ne'ebé pasa ba presidente autoridade munisipiu ida-idak no RAEOA hodi publika iha kuadru avizu MEJD munisipiu iha teritoriu tomak no tempu hodi halo reklamasau mós sei hahú husi data avizu to'ò loron 28 Jullu 2021 .





Bolseiru Bolsa Hakbi'it Na'in 910 Hahu Hala'o Estudu iha Instituis-aun Ensinu Superior 14 Iha Rai Laran

Programa Bolsa Hakbi'it nu'udar programa dahuluk ne'ebé VIII Governu investe hodi fó oportunidade ba família kbi'it laek nia oan sira asesu ba hala'o sira ninia estudu iha ensinu superior iha rai-laran.

Iha tinan ne'e Programa Bolsa Hakbi'it ho ninia beneficiariu hamutuk 910 ne'ebé koloka ba Universidade públiku Universidade Nacional Timor Lorosa'e (UNTL) ho Instituto Politecnico de Betano (IPB) hamutuk bolseiru na'in 500 no ba Universidade no instituisaun ensinu superior privadu 12 hamutuk bolseiru na'in 410 ho area estudu oin-oin ne'ebé define tuir diploma Ministerial n.º 9/2021 de 10 de Março.

Ba implementasaun Fundo de Desenvolvimento do Capital Humano (FDCH- MESCC) asina ona kontratu ho bolseiru programa Bolsa Hakbi'it ne'ebé selesionadu hodi kontinua sira ninia estudu iha ensinu superior públiku Universidade Nacional Timor Lorosa'e (UNTL), Instituto Politeknico de Betano no Instituisaun Ensiñu Superior privadu hamutuk sanulu resin rua (12) ne'ebé simu bolseiru sira hodi hala'o sira ninia estudu ho nivel Diploma III (D3) to'o Licenciatura (S1) iha area oin-oin.

Serimónia asina kontratu ho bolseiru sira ne'e hala'o iha tempu ne'ebé la hanesan, kontratu ne'e rasik asina direita husi Diretor Ejecutivo FDCH Sr. Hermenegildo da Silva ho bolseiru sira beneficiariu programa Bolsa

Hakbi'it nian no hetan vistu direita husi magnifiku reitor sira no presidente instituisaun ensinu superior sira. Diretor Ejecutivo FDCH Sr. Hermenegildo da Silva husu ba bolseiru sira atu foku ba estudu nun'e, bele termina sira ninia estudu ho di'ak tuir kontratu ne'ebé estabese husi FDCH ho bolseiru sira.

“Ida ne'e oportunidade di'ak ba ita-boot sira, tenke haka'as-an estuda atu hetan valor ne'ebé di'ak, ida ne'e importante tebes, karik ita-boot sira la konsege amostra rezultadu ne'ebé di'ak ita-boot sira sei moe ba ita-boot sira nia familia, kolega no ba públiku tomak, ba estadu ne'ebé investe ona ba ita-boot sira,” hateten Diretor Ejecutivo FDCH.

Ho kontratu ne'ebé estabese, durante bolsieru sira nia estudu FDCH sei halo pagamentu kada semester ba instituisaun ensinu superior sira ne'ebé bolseiru sira hala'o sira nia estudu ba no bolseiru sira kada fulan sei hetan orsamentu kustu moris nian (Custo da Vida) ho montante \$ 120 ba konta bankaria bolseiru idak-idak. Iha tinan ne'e bolseiru bolsa hakbi'it hala'o sira ninia estudu iha instituisaun superior sira hanesan tuir mai:

UNTL Simu Bolseiru Bolsa Hakbi'it Na'in 480



Fundo de Desenvolvimento do Capital Humano (FDCH- MES-CC) Asina ona kontratu ho bolseiru ba programa Bolsa Hakbi'it ne'ebé selesionadu hodi kontinua sira ninia estudu iha ensinu superior publiku Universidade Nacional Timor Lorosa'e (UNTL), eventu ne'e realiza Salaun Auditóriu Liceu UNTL, Colmera.

Kontratu ne'e asina direita husi Diretór Ezekutivu FDCH Sr. Hermenegildo da Silva ho bolseiru sira beneficiariu programa Bolsa Hakbi'it no hetan testemuña husi Magnifiku Reitor UNTL Dr. João Soares Martins.

Bolseiru hamutuk 480 ne'e sei hala'o sira ninia estudu iha UNTL ho nivel estudu hahú husi Diploma III (D3) to'o Licenciatura (S1) iha fakuldade sira hanesan Agrikultura, Enjeñaria, Edukasaun, Direitu, Ekonomia, Siénsia Sosial no Filosofia.

Partisipa iha serimónia asina kontratu ho bolseiru sira ne'e, Vise Reitor no pro Reitor sira husi UNTL, Coordenadora UCAE-MESCC Sra. Amelia da Silva de Araújo, Representa Diretora Geral Ensino Superior -MESCC, Coordenadór GAGESI-FDCH Sr. Henrique do Rosario, Coordenadora GAFRHI FDCH, Sra. Josefina do Nascimento no ekipa tekniku sira husi UNTL no ST-FDCH.

IPB Simu Bolseiru Bolsa Hakbi'it Na'in 20

Fundo de Desenvolvimento do Capital FDCH entretga ona bolseiru bolsa hakbi'it na'in 20 hodi hala'o sira ninia estudu iha Instituto Politékniku Betano (IPB) Kay Rala Xanana Gusmão. Serimónia entrega bolseiru no asina kontratu ho bolseiru sira ne'e hala'o iha Kampus IPB Betano iha Munisipiu Manifahi ne'ebé asina direita husi Diretora Ezekutiva FDCH Sra. Leila Carceres dos Santos ho Bolseiru sira no hetan vistu nu'udar testemuña husi Presidente IPB Dr. Acacio Cardoso Amaral, iha loron 19/07/202 .

Bolseiru hirak ne'e sei hala'o sira ninia estudu iha area area konstrusaun sivil no produsaun Animál ho nivel estudu diploma II (D2) iha IPB.

Partisipa iha serimónia asina kontratu ho bolseiru sira ne'e Koordinadór GAPPEFIV-FDCH Sr. Hermenegildo da Silva, Koordinadór GAGESI-FDCH Sr. Henrique do Rosario, ekipa téknika FDCH no husi parte IPB Vise Presidente IPB ho estrutura, dosente no estudante sira IPB nian.

Bolsa Hakbi'it ne'e foka liu ba ema kbi'it laek nia-oan sira ne'ebé foin ba dala uluk realiza husi VIII Governu liu-husi FDCH ne'ebé liu husi asesu ingresu hodi tama iha UNTL ho IPB.



ISC Simu Bolseiru Programa Bolsa Hakbi'it Na'in 65

Fundo de Desenvolvimento do Capital Humano (FDCH) asina kontratu no entrega bolseiru programa bolsa Hakbi'it hamutuk na'in 50 hodi hala'o estudu iha Instituto Superior Cristal (ISC), serimónia ne'e realiza iha Edifisiu ISC Balide.

Bolseiru na'in 50 ne'e sei hala'o estudu iha ISC, iha área sira hanesan edukasaun ho bolseru na'in 20 no iha area Medisina bolseiru na'in 30 ho nivel estudu hahú husi Diploma III (D3) to'o Licenciatura (S1).

Kontratu ne'e asina direita husi Diretór Ezekutivu FDCH Sr. Heremenegildo da Silva ho bolseiru sira no hetan vistu nu'udar testemuña husi Magnifiku Reitor ISC Dr. Sebastião Pereira.

Partisipa iha serimónia ne'e Presidente Fundasaun ISC Dr. Agostinho dos Santos ho Vise Reitor sira ISC nian, Coordenadora GAFRHI-FDCH Sra. Josefina Goncalves do Nascimento no ekipa teknika husi ST-FDCH.

IPDC simu Bolseiru Programa Bolsa Hakbi'it Na'in 20



Fundo de Desenvolvimento do Capital Humano FDCH asina kontratu no entrega bolseiru Programa Bolsa Hakbi'it hamutuk na'in 20 hodi hala'o sira nia estudu iha Instituto Profissional de Canossa (IPDC) lora 19 Agostu 2021.

Kontratu ne'e asina direita husi Diretór Ezekutivu FDCH Sr. Heremenegildo da Silva ho bolseiru sira no hetan vistu nu'udar testemuña husi Reverendisima Reitor IPDC Madre, Ervina Martins Brito.

Bolseiru na'in 20 ne'e sei hala'o estudu iha área téknika komputasaun, ho nivel estudu lisensiatura (S1) iha IPDC durante tinan 4 no iha possibilidade halo estensaun tinan ida.

Partisipa iha serimónia asina kontratu no entrega bolseiru sira programa Bolsa Hakbi'it ba IPDC ne'e, Coordenadór GAPLO-FDCH Sr. Eusebio A. G. Barreto, Xefe Departamentu Planu, Fiskzaliasaun no Verifikasaun (DEPEFIV) Sra. Maria Rosa no ekipa teknika husi ST-FDCH no ekipa husi IPDC.

IBTL Simu Bolseiru Bolsa Hakbi'it na'in 10



Koordenadór do Gabinete do Gestão e Sistema de Informacao (GAGESI-FDCH) Sr. Henrique do Rosario representa Diretor Ezekutivu Fundo de Desenvolvimento do Capital

Humano (FDCH) entrega bolseiru Programa Bolsa Hakbi'it hamutuk na'in 10 ba Instituto Boaventura Timor Leste (IBTL), Manufahi, 19 Agostu 2021.

Bolseiru na'in 10 ne'e, sei kontinua sira nia estudu iha área téknika Informatika nian 5 no konstrusaun Sivil nain 5, ho nivel estudu diploma III (D3) iha IBTL.

Serimónia entrega bolseiru ne'e hala'o iha salaun IBTL Manufahi ne'ebé partisipa direita husi Prezidenti Fundasaun IBTL Sr. Reak Leman, Magnifika Reitora no vise retores IBTL, ekipa teknika husi ST-FDCH, Dosente no estudante IBTL.

João Saldanha Institute Simu Bolseiru Bolsa Hakbi'it Na'in 15



Fundo de Desenvolvimento do Capital Humano (FDCH) asina kontratu no entrega bolseiru programa bolsa Hakbi'it hamutuk na'in 15 hodi hala'o estudu iha João Saldanha University/Institute (JSU/I).

Kontratu ne'e asina direita husi Diretór Ezekutivu FDCH -MESCC Sr. Hermenegildo da Silva ho bolseiru sira no hetan vistu nu'udar testemuña husi Presidente JSU/I Dr. João Mariano Saldanha. Iha salaun JSU/I Becora.

Bolseiru na'in 15 ne'e sei hala'o estudu iha área enjenharia Arquitectura ho nivel estudu Lisensiatura (S1) iha JSU.

Partisipa iha serimónia asina kontratu no entrega bolseiru sira programa Bolsa Hakbi'it ba JSU ne'e, Coordenadór GAPLO-FDCH Sr. Eusebio A. G. Barreto, Xefe Departamentu Pagamentu ba Formasaun no Bolsa Estudu (DEPFOBE) Sra. Anastasia Esperito Santos, Dosente sira JSU nian no ekipa teknika husi ST-FDCH.

UNPAZ Simu Bolseiru Bolsa Hakbi'it Na'in 40



Fundo de Desenvolvimento do Capital Humano (FDCH) kontinua asina kontratu no entrega bolseiru Programa Bolsa Hakbi'it hamutuk na'in 40 ba Universidade da Paz (UNPAZ).

Kontratu ne'e asina direita husi Diretór Ezekutivu FDCH Sr. Hermenegildo da Silva ho bolseiru sira no hetan vistu nu'udar testemuña husi magnifiku Reitor UNPAZ Sr. Adolmando Amaral iha salaun UNPAZ, Ai-Mutin Dili. 23 Agostu 2021.

Bolseiru na'in 40 ne'e sei hala'o estudu iha área sira hanesan Enjeñaria sivil nain 10, Enjeñaria Arqitetura nain 10, Agrikultura Conservação de recursos naturais nain 10 no Agrikultura jestauno Komérsiu Agríkula nain 10.

Partisipa iha serimónia asina kontratu no entrega bolseiru sira programa Bolsa Hakbi'it ba UNPAZ ne'e, Coordenadór do Gabinete do Gestão e Sistema de Information (GAGESI-FDCH) Sr. Henrique do Rosario, Coordenadora Unidade de Coordenação de Apoio aos Estudantes (UCAE-MESCC) Sra. Amelia da Silva de Araujo, Estrutura no Dosente UNPAZ no Ekipa Teknika, ST-FDCH.

Instituto São João de Brito Simu Bolseiru Bolsa Hakbi'it Na'in 45



Fundo de Desenvolvimento do Capital Humano (FDCH) kontinua asina kontratu no entrega bolseiru programa bolsa Hakbi'it hamutuk na'in 30 hodi hala'o estudu iha Instituto São João de Brito (ISJB). Loron 24 Agostu 2021.

Kontratu ne'e asina direita husi Diretór Ezekutivu FDCH Sr. Hermenegildo da Silva ho bolseiru sira no hetan vistu nu'udar testemuña husi Maginifiku Reitor ISJB Pe. Cidelizio Hornai Pereira iha Salaun IJSB, Kasait Tibar.

Bolseiru programa bolsa Hakbi'it na'in 45 ne'e sei hala'o estudu iha fakuldade Edukasaun ho nivel estudu Lisensiatuira (S1) iha ISJB.

Partisipa iha serimonia asina kontratu no entrega bolseiru sira ba ISJB ne'e, Coordenadora GAFRHI-FDCH Sra. Josefina Goncalves do Nascimento, Coordenadór GAPLO-FDCH Sr. Eusebio A. G. Barreto, Representante Coordenadora UCAE-MESCC Sr. Rosito das Neves e Silva, vise reitor ho estrutura, dosente sira ISJB no ekipa teknika husi ST- FDCH.

UNITAL Simu Bolseiru Bolsa Hakbi'it Na'in 35



Fundo de Desenvolvimento do Capital Humano (FDCH) kontinua asina kontratu no entrega bolseiru Programa Bolsa Hakbi'it hamutuk na'in 35 ba Universidade Oriental de Timor Lorosa'e (UNITAL). 24 Agostu 2021.

Kontratu ne'e asina direita husi Diretór Ezekutivu FDCH ho bolseiru sira no hetan vistu nu'udar testemuña husi magnifiku Reitor UNITAL Sr. Florindo Pereira iha salaun UNITAL, Becora Dili.

Bolseiru na'in 35 ne'e sei hala'o estudu iha área sira hanesan Enjeñaria Civil nain 10 iha nivel estudu lisensiatuira, saúde anális-ta clinicas laboratoriais nain 10 iha nivel estudu bacharelato, saúde ciencias de nutrição nain 10 iha nivel bacharelato, no saúde enfermagem nain 5 iha nivel estudu licenciatura.

Partisipa iha serimónia asina kontratu no entrega bolseiru sira programa Bolsa Hakbi'it ba UNITAL ne'e, Coordenadór do Gabinete do Gestão e Sistema de Informação (GAGESI-FDCH) Sr. Henrique do Rosario, Coordenadora Unidade de Coordenação de Apoio aos Estudantes (UCAE-MESCC) Sra. Amelia da Silva de Araujo, Estrutura no Dosente UNITAL no Ekipa Teknika, ST-FDCH.

IOB Simu Bolseiru Bolsa Hakbi'it Na'in 50



Fundo de Desenvolvimento do Capital Humano (FDCH) continua asina kontratu no entrega bolseiru Programa Bolsa Hakbi'it hamutuk na'in 50 ba Institute of Business (IOB) iha salaun IOB Manleuana Dili.

Kontratu ne'e asina direita husi Diretór Ezekutivu FDCH Sr. Hermenegildo da Silva ho bolseiru sira no Vice Reitor IOB Sr. Antonio Soares Martins sai nudar testemuña ba seremonia asinatura kontratu ba bolsa hakbi'it.

Bolseiru na'in 50 ne'e sei hala'o estudu iha área sira hanesan Enjeñaria Gestão de Informatica iha nivel estudu licenciatura, no Turismo Gestão de Hospitalidade nain 20 iha nivel estudu bacharelato, bolseiru sira hala'o sira nia estudu sei kesi ho termu kontratu ne'be estabelese nune'be bele termina estudu tuir kontratu.

Partisipa iha serimónia asina kontratu no entrega bolseiru sira programa Bolsa Hakbi'it ba IOB ne'e, Coordenadór GAPLO-FDCH Sr. Eusebio A. G. Barreto Coordenadora, Unidade de Coordenação de Apoio aos Estudantes (UCAE-MESCC) Sra. Amelia da Silva de Araujo, Estrutura no Dosente IOB no Ekipa Teknika ST-FDCH no bolseiru bolsa hakbi'it.

DIT Simu Bolseiru Bolsa Hakbi'it Na'in 50



Fundo de Desenvolvimento do Capital Humano (FDCH) continua asina kontratu no entrega bolseiru Programa Bolsa Hakbi'it hamutuk na'in 50 ba Dili Institute of Technology (DIT). 26 Agosto 2021.

Kontratu ne'e asina direita husi Diretór Ezekutivu FDCH Sr. Hermenegildo da Silva ho bolseiru sira no hetan vistu nu'udar testemuña husi Magnífiku Reitor Dili Institute of Technology (DIT) Dr. Alvaro Menezes Amaral iha Salaun enkontru DIT iha Ai-meti laran.

Bolseiru programa bolsa hakbi'it na'in 50 ne'e sei hala'o sira ninia estudu iha DIT ho nivel estudu Licenciatura (S1) iha area enjeñaria civil bolseiru na'in 10, enjeñaria mekanika bolseiru na'in 10, Jestaun Hotelaria bolseiru na'in 15 no Jestaun Tour and Travel bolseiru na'in 15. Partisipa iha serimónia ne'e Coordenadór GASEPA-FDCH Sr. Aderito Soares, Pro-Reitor sira DIT nian no ekipa teknika husi DIT no ST-FDCH.

UNDIL Simu Bolseiru Bolsa Hakbi'it Na'in 40



Fundo de Desenvolvimento do Capital Humano (FDCH) continua asina kontratu no entrega bolseiru Programa Bolsa Hakbi'it hamutuk na'in 40 ba Universidade Dili (UNDIL)

Entrega bolseiru Bolsa hakbi'it ba UNDIL ne'e hala'o husi Coordenadór do Gabinete do Gestão e Sistema de Informação (GAGESI-FDCH) Sr. Henrique do Rosario ne'be representa Diretor Ezekutivu Fundo de Desenvolvimento do Capital Humano (FDCH).

Bolseiru na'in 40 ne'e sei hala'o estudu iha fakuldade saude, departamentu enfermagem dentaria nain 20 ho nivel estudu bacharelato (D3) no departamentu enfermagem jeral nain 20 ho nivel estudu licenciatura (S1).

Bolseiru hirak ne'e simu husi Vice Reitor I Sr. Francisco Martins da Silva ne'be representa magnifiku reitor UNDIL iha salaun Retoria UNDIL, Mascarenhas, Dili. 26 Agostu 2021.

Partisipa iha serimonia asina kontratu no entrega bolseiru sira programa Bolsa Hakbi'it ba UNDIL ne'e, estrutura UNDIL no Ekipa Teknika ST-FDCH no bolseiru bolsa hakbi'it.

Instituto Ciências da Saúde Simu Bolseiru Bolsa Hakbi'it Na'in 20



Fundo de Desenvolvimento do Capital Humano (FDCH) kontinua asina kontratu no entrega bolseiru Programa Bolsa Hakbi'it hamutuk na'in 20 hodi hala'o sira nia estudu iha Instituto Ciências da Saúde (ICS).

Koordenador Gabinete Aproximamentu no Lojística (GAPLO-FDCH) Sr. Eusebio A. G. Barreto representa Diretor Executivo FDCH-MESCC entrega bolseiru Programa Bolsa Hakbi'it hamutuk na'in 20 ba Instituto Ciências da Saúde (ICS) loron 26 Agosto 2021.

Bolseiru hirak ne'e simu direita husi Magnifiku Reitor ICS Sr. Domingos Soares iha Salaun enkontru ICS, Comoro.

Bolseiru programa bolsa hakbi'it na'in 20 ne'e sei hala'o sira nia estudu iha ICS ho nivel estudu Licenciatura (S1) iha fakuldade Enfermagem ho bolseiru na'in 10, Farmacia bolseiru na'in 10 ho nivel estudu Diploma III (D3). Partisipa iha serimonia entrega bolseiru no asina kontratu ne'e Koordenadora Unidade de Coordenação de Apoio aos Estudantes (UCAE-MESCC) Sra. Amelia da Silva de Araújo, ekipa teknika husi ST-FDCH no ICS.

East Timor Coffee Institute Simu Bolseiru Bolsa Hakbi'it na'in 20



Fundo de Desenvolvimento do Capital Humano (FDCH-MESCC) entrega bolseiru programa Bolsa Hakbi'it hamutuk na'in 20 ba East Timor Coffee Institute (ETCI) Ermera. Serimonia entrega bolseiru no asina kontratu ho simbolikamente iha edificiu FDCH ne'e asina direita husi Diretor Executivo FDCH Sr. Hermenegildo da Silva ho bolseiru sira no hetan vistu nu'udar testemuña husi Magnifiku Reitor ETCI Sr. Lucio Marcal Gomes.

Bolseiru programa bolsa hakbi'it na'in 20 ne'e sei hala'o sira nia estudu iha ETCI Ermera ho nivel estudu Licenciatura (S1) iha Fakuldade Agrikultura, Departamentu Jestaun Komersiu Agrikola ho bolseiru na'in 10 no Fakuldade Edukasaun departamentu Biolojia ho Matematika bolseiru na'in 10.

Partisipa iha serimonia entrega bolseiru no asina kontratu ho instituisaun ensinu superior sira ba dala ikus nian ne'e, Koordenador GAPLO -FDCH Sr. Eusebio A.G. Barreto no ekipa teknika husi ST-FDCH.

Programa Bolsa Hakbi'it nu'udar programa dahuluk ne'be VIII Governu realiza hodi fo oportunidade ba foinsa'e sira husi familia kbi'it laek asesu ba hala'o sira nia estudu iha banku ensinu superior iha rai-laran tanba ne'e iha tinan ne'e benefisia ona familia kbi'it laek nia oan hamutuk 910 hodi hala'o sira nia estudu iha universidade publiku no privadu sira iha rai-laran.

Metas ne'be atu atinje husi programa bolsa hakbi'it to'o 2023 sei ho benefisiariu hamutuk 3000 nunee, iha tinan oin 2022 Governu liu husi FDCH sei fo tan bolsa estudu hamutuk 1000 no iha tinan 2023 1900 hodi kompleta metas ne'be VIII governu hakarak atu atinje. (***)



UNV Fahe Informasaun Kona-bá Valores, Benefisiu Servisu Voluntariu ba Kargu Xefia no Funsionáriu ST-FDCH

United Nation Volunteer (UNV) ho ninia misaun atu promove servisu voluntáriu iha mundu inkuli iha Timor-Leste hodi fó oportunidade ba ema hotu atu partisipa iha dezvoltimentu nasaun nian liu husi setor oin-oin.

Iha loron 16 Agostu 2021, Koordenadóres, Xefe Departamentu no Funsionáriu balun husi Sekretáriadu Tékniku Fundo de Desenvolvimento do Capital Humano (ST-FDCH) hetan oportunidade hodi partisipa iha workshop fahe informasaun kona-bá valores, benefisiu no oinsá atu hola parte iha UN Volunteer.

Workshop ne'e realiza iha iha kampaun UN, Obrigado barak ne'ebé hetan abertura direita husi UN Resident Coordinator Sr. Roy Trivedy no akompaña husi UNDP Deputy Resident Representative Sra. Lazima Onta-Bhatta. Sr. Roy Trivedy agradese ba disponibilidade FDCH nian hodi hola parte iha eventu importante ne'e no konsidera atividade ne'e nu'udar faze inisiu ba kooperasaun FDCH ho UNVs.

Koordenadór GAGESI Sr. Henrique do Rosario ne'ebé representa Diretora Ezekutiva FDCH iha abertura ba workshop ne'e iha ninia diskursu husu ba UNV atu bele akumulá mós resente bolseiru graduadu husi Governu Timor-Leste liu husi FDCH tanba daudaun ne'e FDCH

organiza hela estajiu profisionál ba bolseiru graduadu sira ne'ebé termina sira nia estudu iha area oin-oin no husi universidade sira ne'ebé diferente iha mundu.

Nune'e mós iha parte enseramentu Diretora Ezekutiva FDCH Sra. Leila Carceres dos Santos hatete daudaun ne'e FDCH organiza hela programa Estájiu Profisionál ba bolseiru graduadu sira tanba ne'e ho informasaun ne'ebé koordenadores, Xefe Departamentu no funsionáriu sira hetan bele fahe ba bolseiru graduadu sira no konsidera mós eventu ne'e nu'udar faze inisiu ba kooperasaun FDCH nian ho UNVs.

“Ho UNV nia informasaun ne'ebé pasa mai ami ne'e buat di'ak ida para atu komesa halo sosializasaun ba ita nia timoroan sira, tanba barak mak hatene UN maibé la hatene prosesu oinsá atu aplika ba, nune'e apresentasaun sira hanesan ne'e iha futuru bele apresenta mós ba iha resente graduadu sira,” hateten Diretora Ezekutiva FDCH. FDCH nakloke hodi halo kooperasaun ho instituisaun no ajensia internasional sira hodi ajuda timoroan sira asesu bakampu servisu iha rai-laran.

Whorkshop loron sorin ne'e realiza hetan fasilita husi Country Coordinator UN Volunteer Timor-Leste Sr. Mario de Jesus Ximenes ho ninia ekipa teknika sira. (Média_FDCH)

FDCH Apresenta Progresu Taxa Ezekusaun Orsamentu livru 6 ba Liña Ministériu no Instituisaun Estadu Akreditadu sira



Fundo de Desenvolvimento Capital Humano (FDCH) realiza enkontru koordinasaun ho Liña Ministerial no Instituisaun estadu akreditadu sira hodi apresenta progresu taxa ezeekusaun orsamentu livru 6 Orsamentu Jerál Estadu (OJE) 2021, iha Salaun Delta Nova, 08/07/2021.

Objetivu husi enkontru ho Liña Ministerial no Instituisaun estadu sira ne'ebé akredita mai FDCH ne' hodi hato'o progresu taxa ezeekusaun OJE 2021, liu-liu iha programa formasaun no bolsa estudu ne'ebé finánsia husi FDCH ba instituisaun beneficiariu ida-idak hahú husi fulan Janeiru to'o Juñu.

Diretora Ezekutiva FDCH Sra. Leila Carceres dos Santos hatete enkontru ne'e importante atu fahe informasaun ba malu no haree hamutuk difikuldade sira ne'ebé iha liga ho ezeekusaun orsamentu ba programa sira iha 2021, tanba Timor-Leste hasoru hela problema pandémia Covid 19 ne'ebé paraliza atividade hotu-hotu.

Iha oportunidade ne'e Diretór Jerál no Diretór Rekursu Umanu sira husu atu hametin nafatin koordinasaun

no komunikasaun nun'e bele implementa planu no programa sira ho di'ak, tanba ezeekusaun orsamentu iha tinan ne'e la hanesan bain-bain, wainhira mósu tiha pandemia global COVID-19 ne'ebé obriga programa hotu la la'o hanesan bain-bain.

Taxa ezeekusaun orsamentu ba programa formasaun sira iha tinan ne'e la hanesan ho tinan sira anterior tanba impaku husi pandemia global ne'ebé nasaun hotu infrenta inklui Timor-Leste nun'e, programa formasaun hotu labele la'o tuir kalendaru ne'ebé iha tiha ona. Enkontru ne'e hetan partisipasaun másimu husi diretór jerál, Diretór Rekursu umanus husi Liña Ministerial no Instituisaun Estadu sira ne'ebé akredita nu'udar beneficiariu FDCH nian



FDCH Finansia Formasaun Tekniku Espesializada ba Estensionista MAP Na'in 20



Fundo de Desenvolvimento do Capital Humano finansia programa formasaun tekniku espesializada kona-ba tekniku akikultura ba estensionista sira Ministeriu Agrikultura no Pesca hodi hasa'e sira ninia abilidade tekniku iha sira ninia servisu hodi servi comunidade agrikultura sira iha baze.

Formasaun ba estensionista sira ne'e realiza iha Instituto Nacional de Pesca e aquicultura, Maubara ne'be fahe ba etapa rua, etapa primeiru ho partisipante na'in 20 no segundu ho partisipante na'in 20 mos.

Serimonia abertura ba formasaun ne'e hala'o husi Sekretáriu Estadu das Pescas Sr. Elidio de Araujo iha loron 9 Agosto 2021, Instituto nasional de Pesca e Aquicultura, Maubara.

Sekretáriu Estadu das Pescas Sr. Elidio de Araujo husu ba extensionista sira atu aproveita oportunidade ne'e ho diak nune'e, bele aumenta sira nia konesementu diak liu tan hodi kontinua sira nia dever núdar funsionariu tekniku extensionista ne'be mak diak liu tan iha futuru .

Iha oportunidade hanesan Coordenador GASEPA -FDCH Sr. Aderito Soares ne'be representante Diretor Ezekutivu FDCH husu mos ba funsionariu tekniku Extensionista sira atu aproveita oportunidade ne'e ho di'ak atu nunee bele sai tekniku estensionista ne'be mak profesional.

FDCH kontinua servisu hamutuk ho parte hotu hodi asegura programa dezvoltimentu ba rekursus umanus hodi hasa'e timoroan sira nia konesimentu.

Partisipa mós iha serimónia abertura ne'e mak Diretur

Jeral INAP Sr. Agostinho Letencio de Jesus, Presidenti Autoridade Munisipiu Liquisa Sr. Pedro Paulo Gomes, no funsionariu tekniku Estensionista sira ne'be mai hosi Munisipiu no formadores.(Média_FDCH)





BNCTL Buka Possibilidade Kooperasaun ho FDCH

Diretór Ezekutivu Fundo de Desenvolvimento do Capital Humano (FDCH) Sr. Hermenegildo da Silva simu iha ninia Gabinete Presidente Konsellu Administrasaun Banku Nacional de Comércio de Timor-Leste (BNCTL) Sr. António Francisco Vitor ho ekipa iha loraon 14 Setembro 2021, hodi ko'alia kona-bá possibilidade kooperasaun BNCTL ho FDCH iha futuro, liu-liu oinsá fasilita bolseiru sira.

Durante enkontra Presidente Konsellu Administrasaun BNCTL Sr. António Francisco Vitor apresenta produktu sira ne'ebé ohin loraon BNCTL iha, liu-liu ba produktu iBanking no produktu sira seluk ne'ebé bele fasilita halo tranferensia orsamentu ba bolseiru sira iha rai-laran no rai-li'ur ho lais no seguru.

Presidente Konsellu Administrasaun BNCTL Sr. António Francisco Vitor hatete ho enkontra ne'ebé bele esplora possibilidade kooperasaun iha futuro entre FDCH ho BNCTL atu bele fasilita bolseirus sira ne'ebé sai beneficiarius ba FDCH liu-liu Bolsa Estudu ne'ebé FDCH administra no jere.

Hafoin apresentasaun Diretór Ezekutivu FDCH Sr. Hermenegildo da Silva agradece ba prezensa Presidente Konsellu Administrasaun BNCTL ho ekipa mai iha FDCH no iha oportunidade ne'ebé Diretór Ezekutivu halo esplikaun kona-bá progama sira ne'ebé FDCH iha hanesan formaun profesional, Formaun Teknika, Bolsa Estudu no Tipu Formaun seluk ne'ebé FDCH iha durante ne'e.

FDCH prontu atu halo kooperasaun ho instituisaun hotu iha rai-laran hodi fasilita no desenvolve rekursu umanu Timor-Leste nian iha area oin-oin haktuir planu no prioridade nasaun nian. Enkontra ne'ebé termina ho entrega souvenir husi Presidente Konsellu Administrasaun BNCTL Sr. António Francisco ba Diretór Ezekutivu FDCH nu'udar faze inisiu ba possibilidade kooperasaun instituisaun rua ne'ebé iha futuro.

Partisipa iha enkontra ne'ebé Koordinadora GAFRHI -FDCH Sra. Josefina Gonçalves do Nascimento, Koordinadór GASEPA-FDCH Sr. Aderito Soares, Koordinadór GAGESI-FDCH Sr. Henriquedo Rosario no Koordinadora Interiña GAPPEFIV - FDCH Sra. Maria Rosa Pinto. (Média_FDCH)

Relatório Taxa Execução Orçamento FDCH Janeiro- Setembro 2021

Tabela 1 Taxa Execução Orçamento Típico Programa

Kode	Tipo Programa	Orçamento Alocado 2021 (USD)	Total Despesa (USD)	Total Balanço (USD)	Porcentagem (%)
304	Formação Profissional	1,077,800.00	794,178.50	283,621.50	74%
313	Formação Técnica	3,363,248.00	935,583.23	2,427,664.77	28%
314	Bolsa Estudo	7,547,419.00	1,947,616.34	5,599,802.66	26%
315	Tipo Formação Seluk	1,006,533.00	765,143.88	241,389.12	576%
Total Orçamento		12,995,000.00	4,442,521.95	8,552,478.05	34%

Tabela 1 mostra que, até o momento, a taxa de execução do orçamento dos programas é de 34% durante o período de janeiro a setembro de 2021, observando-se que o FDCH executou 34% ou seja, corresponde ao valor de USD 4,442,521.95.

Tabela 2 Beneficiários Formação baseia no Tipo de Programa

Nº	Programa	Número Feto	Porcentagem (%)	Número Mane	Porcentagem (%)	Número Total Beneficiários
1.	Formação Profissional	248	15%	1,429	85%	1,677
2.	Formação Técnica	327	24%	1,053	75%	1,380
3.	Tipo Formação Seluk	401	47%	445	53%	846
Número Total		976	25%	2,927	75%	3,903

Tabela 2 descreve o número total de beneficiários baseia no tipo de programa no jeneru. Haktir dados nebe apresenta a tabela, onde se pode observar que o total de beneficiários é de 3,903, o número de beneficiários em formação é de 976, o que representa 25% do total de beneficiários.

Tabela 3. Tipo Beneficiários Bolsas Estudo no Jeneru

Nº	Tipo Bolsa Estudo	Feto	Mane	Número Beneficiários	Porcentagem (%)
1.	Bolsas Estudo Completo (Full Scholarship)	169	272	441	62%
2.	Bolsas Estudo Parsial (Partial Scholarship)	81	105	186	26%
3.	Outros Beneficiários	14	71	85	12%
Número Total		264	448	712	100%

Tabela 3 apresenta o número de beneficiários das Bolsas de Estudo baseia no tipo de bolsa, onde se pode observar que o número total de beneficiários é de 712. A distribuição dos beneficiários é de 264 em formação, o que representa 37% do total, e 448 em manejo, o que representa 63% do total.

LIÑA MINISTERIÁL AKREDITADU IHA FDCH
Lista tabela 4. Instituisaun Ne'ebé Akreditadu husi CA- FDCH.

1.	Prokuradoria Jeral Republika (PGR)
2.	Ministériu Ensinu Superiór Siensia no Kultura (MESCC)
3.	Ministériu Justisa (MJ)
4.	Instituisaun Defesa Nasionál (IDN)
5.	Ministériu Negósios Estrangeirus no Kooperasaun (MNEC)
6.	Ministériu Saúde (MS)
7.	Sekretaria Estadu ba Formasaun Profesionál no Empregu (SEFOPE)
8.	Falíntil - Forsa Defesa Timor - Leste (F-FDTL)
9.	Instituisaun Nasionál Administrasaun Públika (INAP)
10.	Sekretaria Estadu Juventude no Despostu (SEJD)
11.	Sekretariadu Tékniku ba Fundu Dezenvolvimentu Kapital Umanu (ST-FDCH)
12.	Navegasaun Aériu Timor-Leste (ANATL)
13.	Instituisaun Nasionál Formasaun ba Dosentes no Profesionál Edukasaun (INFORDEPE)
14.	Sentru National Rehabilitasaun (CNR)
15.	Sekretária Estadu Igualdade no Inkluzaun (SEII)
16.	Universidade Nasionál Timor Lorosae (UNTL)

Tabela 5. Despezas Orsamentu bazeia ba Instituisaun no Númeru Benefisiariu

Nu	Instituisaun	Despezas (USD)	Numeru Benefisiariu		
			Feto	Mane	Total
1.	PGR	66,666.66	-	1	1
2.	MESCC	921,135.12	115	170	285
3.	MJ	332,600.00	4	13	17
4.	IDN	51,950.00	16	409	425
5.	MNEC	-	-	-	-
6.	MS	137,888.07	7	21	28
7.	SEFOPE	794,178.50	248	1429	1677
8.	F-FDTL	59,292.75		38	38
9.	INAP	128,490.50	130	405	535
10.	SEJD	7,500.00	1		1
11.	ST-FDCH	1,295,111.65	631	730	1361
12.	ANATL	11,417.00	3	3	6
13.	INFORDEPE	261,756.07	75	117	192
14.	CNR	26,356.00	2	5	7
15.	UNTL	348,179.63	8	34	42
16.	SEII	-	0	0	0
Total		4,431,104.95	1,240	3,375	4,615

Tabela 5. apresenta despesa orsamentu tuir instituisaun no número beneficiariu. Hosi Totál instituisaun sanulu resin neen (16) nêbe ezejuta ona orsamentu iha durasaun fulan sia (9) nia laran, Despesa boot mai husi insituisaun ST-FDCH ho beneficiariu hamutuk 1,361 ho gastu orsamentu total USD 1,295,111.65; MESCC ho numeru beneficiariu 285 ho gastu orsamentu USD 921,135.12; SEFOPE ho numeru beneficiariu 1,677 no gastu orsamentu USD 794,178.5 UNTL ho numeru beneficiariu 42 ho gastu orsamentu USD 348,179.63; MJ ho beneficiariu 17 ho gastu orsamentu USD 332,600.00 no tuir mai bele hare intituisaun sira nebe ho gastu orsamentu nebe kiik ho numeru beneficiariu.



LIAN BENEFISIARIU

Francisco Martins da Silva : impaktu husi investimentu governu nian iha progama bolsa estudu boot tebes



su reitór nian no tau matan ba universidade.

“Ha’u hanesan dosente iha Universidade Dili iha momentu ha’u hetan bolsa estudu no wainhira ha’u remata ha’u nia estudu ha’u kontinua fila-fali servisu iha UNDIL,” hatete benefisiariu bolsa estudu ne’e bainhira dada lia ho ekipa Media FDCH iha nia knaar fatin.

Benefisiariu progama bolsa estudu mestradu ne’e konsid- era impaktu husi investimentu governu nian iha progama bolsa estudu boot tebes, tanba ita haree iha fatin estratejik- us iha Timor- Leste hanesan iha Timor Gap no mós iha in- stituisaun estadu bolseira husi FDCH barak mak integra iha ne’eba, ho ida ne’e ita bele hateten impaktu boot tebes husi programa bolsa estudu.

“Tha dezenvolvimentu iha ita nia rai laran, no ita bele hatete susesu ba governu ne’e mak investe maka’as ba nia rekursu umanu, hodi dezenvolve país Timor-Leste, maibé iha parte balun ita sei iha problema mak hanesan jestaun ba rekursu umanu, iha fatin balun sei halerik kona-bá rekursu umanu, - maibe ita iha rekursu umanu barak mak ita la utiliza, tanba ida ne’e ita persiza halo ejersisu maka’as. hodi nune’e sira ne’ebe mak fila husi sira nia estudu sira bele iha oportunidade atu kontribui sira nia matenek no mellora di’ak liu tan dezenvolvi- mentu ita-nia rai,” benefisiariu bolseiru ne’e sujere.

Francisco Martins da Silva nu’udar benefisiariu pro- grama bolsa estudu ne’ebé governu organiza liu-hu- si Ministériu Edukasaun no finánsia husi Fundo de Desenvolvimento do Capital Humano hodi ba hala’o ninia estudu mestradu (S2) Master of Business and Administra- tion (MBA) iha nasaun Tailandia.

Molok ba kontinua estudu mestradu Francisco Martins hanesan dosente bain-bain ne’ebé hanorin estudante uni- versitariu sira iha Universidade Dili, hafoin termina tiha ninia estudu mestradu ohin loron hetan mós konfiansa hodi assume kargu hanesan vise reitór I hodi apoiu servi-

Tuir nia, iha pontu tolu mak persiza halo iha programa bolsa estuda maka 1.) Persiza halo planu ida ne'be di'ak antes dezloka estudante ba hala'o sira nia estuda, identifika area estuda ne'be estratejia ne'be mak sei menus hela iha Timor-Leste atu nun'e'e estudante sira remata bele prenxe fatin sira ne'be mak ita presija duni. 2.) Preparasaun ne'be mak insentivus ligadu ba ambiente estuda iha pais destinadu ninian, atu nun'e'e labele lakon kustu ne'be mak maka'as, tanba universidade iha rai laran mos bele fo bridging program ba kandidatu bolsa estuda antes deskata sira ba iha univervdade ne'be mak termina tiha ona 3.) Governu liu-husi FDCH tenki haree didiak adidu edukasaun iha rai-li'ur, pesoal adidu tenke domina area edukansan, atu nun'e'e bele fo rekomendasaun mai Governu Timor-Leste kona-ba universidade antes asina nota entendimentu, no mos bele ajuda estudente sira nia perkupasaun, atu nune estudante sira bele halao sira nia estuda ho diak iha ema nia rai.

Benefiariu programa bolsa estuda governu nian ne'e husu ba foin-sae sira tenki ativu buka informasaun, kona ba oinsá atu fo kontribuisaun ba nasaun ida ne'e mak tenki estuda maka'as atu dezenvolve nasaun ida ne'e, uluk juventude kontribui ma-

ka'as ba luta ukun rasik aan, to'o balun lakon sira nia vida hodi hetan ukun rasik aan, ba joven iha tempu ukun rasik aan sira tenke kontribui ba pais ne'e liu husi dalan koñesementu ba dezenvolvimentu, atu hetan koñesimentu ida diak dalan mak estuda ho didiak, no xave ba dezenvolvimentu mak luta liu husi dalan edukasaun. tanba iha joven sira nia kaba'as mak nasaun nia futuru. (*)



Nice Guterres: programa bolsa estuda di'ak tebes fo ona oportunidade ba joven sira hodi kontinua sira nia estuda

Nice Guterres foin-sae ida husi munisipiu Dili ne'be hetan bolsa estuda husi governo Timor Leste hodi ba kontinua nia estuda iha universidade Lisboa Portugal iha area psikologia no ohin loron sai hanesan profesora portugeus no conselheiro escola iha QSI International School of Dili.

Nice konsidera impaktu ba bolseriu ne'e boot tebes liu husi dezenvolvimentu pesoal ne'be mak bolseriu sira iha bele fo buat ne'be diak hodi kontribui ba dezenvolvimentu Timor leste.

“Kuandu ita hela iha eropa ita bele hetene mainsheet ema eropa nian nune bele ajuda ita nia dezenvolvimentu pesoal, no hau nia hare um melhor impaktu, mak dezenvolvimentu pesoal ne'be mak kada um tem komesa husi nukliu individuál hanesan a'bitu diak ne'be mak ita gaña bele ajuda ita kontribui ba nukliu sosial hodi sai ezemplu ba ema seluk, no ita hateke mos ba kurtu prazu ita hare joven barak ne'be mak remata ona sira nia estuda sira fila mai servisu iha instituisaun hodi fo kontribuisaun ba instituisaun, no ba longu prasu husi kontribuisaun sira ne'be ki'ik sira ne'e bele fo impaktuk iha futuru”. Haktuir Nice Guterres.

Nudar bolseriu graduadus konsidera programa bolsa es-



tuda diak tebes fo ona ba oportunidade ba joven sira hodi kontinua sira nia estuda iha rai liur, maibe prepara mos oportunidade ba fatin servisu atu nune bolseriu sira bele fo kontribuisaun no bele mos fahe esperensia ne'be mak sira iha.

“Kuandu bolserius sira remata sira nia estuda no fila mai seidauk hetan oportunidade ba servisu, fila fali ba FDCH oinsa kria empredorismu ida husu apoiu finanseru ne'be mak bele mai husi FDCH no mos bele mai husi instituisaun relevante, servisu atu nune bolseriu sira bele fo kontribuisaun ba no bele mos fahe esperensia ne'be mak sira iha”. Haktuir Nice Guterres.



Estudu Avaliasaun Daruak ba Rezultadu no Impaktu Programa FDCH 2015-2020

Estudu avaliasaun nêe importante teb-tebes hodi halo avalisaun atu verifika programas nêebé halaò tiha ona no bele buka hatene programa sira nêe atinje duni tuir metas nêebé iha ka lae, no se seidauk presiza hadi'a iha parte nêebé nunêe ninia rezultadu ikus bele tuir metas nêebé iha. Estudu avaliasaun nêe etapa primeiru (I) ba peridu 2011-2014 halaò tiha ona iha 2015. Iha etapa II nêe sei avalia rezultadu investimentu nêebé halaò husi 2015- 2020 nian.

Atu hatene rezultadu no impaktu investimentu governu nian ba area dezvoltimentu rekursus umanus iha Timor-Leste hahú husi 2015-2020, Fundo de Desenvolvimento do Capital Humano (FDCH) implementa Estudu no Avaliasaun ba rezultadu ba programa sira durante periodu 2015-2020 nêebé sei servisu hamutuk ho Instituto Nacional Ciência e Tecnologia (INCT).

Objetivu prinsipal husi Estudu avaliasaun nêe mak atu halo avaliasaun ba impaktu nêebé klean hodi defini grau kontribusaun programas nêebé implementa tiha ona, identifika benefisiu no rezultadu real husi programa sira FDCH nian. Bazeia ba benefisiariu sira nêebé benefisia ona programa haat (4), hanesan: 1) Programa Formasaun Profisional, 2) Programa Formasaun Téknika, 3) Pro-

grama Bolsa Estudu no 4) Tipu Formasaun seluk. Fundo nêe harii nu'udar fundu espesial hodi konsentra finansiamentu investimentu governu nian ba dezvoltimentu rekursus umanus Timor-Leste liu-husi programa formasaun no bolsa estudu, tanba konsidera katak ho investimentu ba rekursu umanu mak bele lori moris di'ak ba ninia sidadaun sira no hadi'a ekonomia familia no ekonomia nasaun foun nêe nian haktuir planu prioridade nêebé mak hatuur tiha ona iha Planu Estratéjiku Dezvoltimentu Nasionál (PEDN 2011-2030).

Programa Estudu avaliasaun nêe realiza hafoin hetan tiha autorizasaun husi Prezidente Konsellu Administrasaun FDCH ho membru permanente sira iha enkontru Konsellu Administrasaun FDCH nian ba dala 21 no ba dala rua

iha mandatu VIII Governu konstitusionál nian.

Estudu avaliasaun neê importante teb-tebes hodi halo avaliasaun atu verifika programas neêbé ha-laò tiha ona no bele buka hatene programa sira neê atinje duni tuir metas neêbé iha ka lae, no se seidauk prezisa hadi'a iha parte neêbé nunêé ninia rezultadu ikus bele tuir metas neêbé iha.

Estudu avaliasaun neê etapa primeiru (I) ba peridu 2011-2014 halaò tiha ona iha 2015. Iha etapa II neê sei avalia rezultadu investimentu neêbé halaò husi 2015- 2020 nian.

Estudu avaliasaun segundu faze neê sei kontinua dezenvolve lisaun no esperiênsia sira liuhosi estudu dahuluk neêbé halo iha 2015 no bele mós re-utiliza ferramentas rekolla dados neêbé dezenvolve ona toò agora, ho modifikasoens balun atu justifika alterasoens iha kontestu dezenvolvimentu Timor-Leste no implementasaun FDCH nian.

Tuir dados neêbé FDCH iha hahú husi 2015-2020 benefisiariu totál neêbé rejista iha Sistema FDCH nian hamutuk 10.325 benefisiarius, husi númeru neê Feto 3403 no Mane 6922 husi progama haat neêbé FDCH iha.

Atu tama ba implementasaun estudu avaliasaun, FDCH ho INCT hahú uluk ho formasaun ba enumeradores hamutuk na'in 40 durante loron tolu neêbé ho formadór no peskizadór profesionál sira.

Diretór Ezekutivu FDCH Sr. Hermenegildo da Silva hamutuk ho Vise-Prezidenti I Konsellu Ezekutivu INCT Dr. Valentim Ximenes ha-laò abertura ba formasaun Enumerador sira iha salaun enkontru FDCH, Palasiu Governu.

Objetivu husi formasaun neê atu fó koñesimentu ba enumerador sira kona-ba kestionariu neêbe sei utiliza hodi halo levantamentu dados ba benefisiariu sira neêbé finansia direktamente husi FDCH hahú husi tinan 2015-2020.

Diretor Ezekutivu FDCH, Dr. Hermenegildo da Silva iha ninia intervensaun hatete “Ida neê fundu especial husi Governu hodi kapasita ita nia rekursus umanus no agora ita iha programa 4 (haat) hanesan Formasaun Profisional, Formasaun Tékniku, Bolsa Estudu no Formasaun Seluk (Outras Formação)” no ita nia objetivu atu entrevista sira hodi halo avaliasaun ba programa FDCH nian.

Vise-Prezidenti I Konsellu Ezekutivu INCT, Dr. Valentim Ximenes alerta ba enumerador sira atu foka ba iha formasaun ida neê no hatudu seriedade hodi ba foti dados. Total Enumerador ba formasaun durante loron 3 (tolu) neê hamutuk haat nulu (40) kompostu husi feto rua nulu (20) no mane rua nulu (20) neêbe mai husi Universidade sira iha Díli laran. Partisipa iha enkontru neê Xefe Departamentu sira husi INCT no FDCH, Ekipa Tékniku sira no Investigador Dr. Afonso Almeida no Dr. Carlos de Deus. (Media_FDCH)





Prezidente CA-FDCH Akompaña husi DE FDCH Aprezenta Proposta Orsamentu 2022 ba KROP

Proposta OJE FDCH ba 2022 ho montante millaun \$10 ne'ebé sei aloka hodi finansia total atividade hamutuk 62 ne'ebé sei benefisia timoroan hamutuk 54, 388 .00, husi número ne'ebé benefisiáriu feto hamutuk 27,059.00 no Mane 27.329 .00 husi programa haat ne'ebé FDCH iha hanesan Formasaun Profisionál, Formasaun Técnica, Bolsa Estudu no Tipu Formasaun seluk.

Dili, 13 Setembro 2021, Sua Exelensia Ministru Ensino Superior Ciência e Cultura (MESCC) no Presidente Conselho Administração Fundo de Desenvolvimento do Capital Humano (CA-FDCH) Sr. Longuinhas dos Santos akompaña husi Diretor Executivo FDCH Sr. Hermenegildo da Silva apresenta planu, programa no proposta Orsamentu FDCH tinan 2022 ba Komite Revizaun Orsamentu Política (KROP) ne'ebé realiza iha Auditóriu Kay Rala Xanana Gusmão, Ministério Finansas, Aitarak- Laran.

Proposta OJE FDCH ba 2022 ho montante millaun \$10 ne'ebé sei aloka hodi finansia programa Formasaun Profisionál ho kode atividade 304 ho total orsamentu previstu \$1,027,800.00 no total atividade rua ne'ebé sei benefisia beneficiariu ba programa ne'ebé hamutuk 17079, husi número ne'ebé Feto 8539 no mane 8540. Formasaun técnica ho kode atividade 313 ho orsamentu \$2,828,130.00 ho total atividade 17 ne'ebé sei benefisia beneficiariu ba programa ne'ebé hamutuk 28080, husi número ne'ebé Feto 13950 no Mane 14130. Bolsa Estudu ho kode atividade 314 ho orsamentu \$ 5,247,476.70

no total atividade 40 ne'ebé sei benefisia beneficiariu hamutuk 8009, husi número ne'ebé Feto 3965 no mane 4044. Tipu Formasaun seluk ho kode atividade 315 ho orsamentu \$ 896,593.30 ho total atividade 3 ne'ebé sei benefisia beneficiariu hamutuk 1220, husi número ne'ebé Feto 605 no Mane 615.

Tetu Orsamentu OJE) 2022- Livru 6 ba FDCH ho montante \$10 miloens tuir pakote fiscal ne'ebé atribui husi Ministério Finansas , maibé orsamentu ne'ebé la kobre hotu programa prioridade sira ho nuné FDCH husu orsamentu adisional ho montante \$9.4 milloens. KROP ne'ebé rasik prezide husi Sua Exelensia Vise Primeira-Ministra Sra. Armanda Berta dos Santos, ne'ebé- akompaña husi membru KROP sira hanesan Sua Exelensia Ministru Finansas Sr. Rui Augustu Gomes, Sua Exelensia Ministru Prezidencia Konsellu Ministru Sr. Fidelis Manuel Leite Magalhães Sua Exelensia Ministru Koordinador Asunto Ekonomiku Sr. Joaquim Amaral, Sua Exelensia Ministru Edukasaun Sr. Armindo Maia, Sua Exelensia Ministru Transportes no Komunikasoin Sr. José Agostinho da Silva, Sua Exelensia

Ministru Administrasaun Estatal Sr. Miguel Pereira de Carvalho no sua Exelensia Sekretária Estadu ba Igualdade no Inkluzaun Sra. Maria José da Fonseca Monteiro de Jesus.

FDCH iha programa prinsipál haat hanesan Formasaun Profisionál ne'ebé finansia sentru formasaun sira liuhusi SEFOPE hodi forma timoroan iha area oin-oin nunêe, prepara sira ba kampu servisu iha rai-laran no ra-li'ur. Formasaun Téknika ne'ebé finansia programa formasaun sira ba Funsionáriu sira iha administrasaun públiku hodi hasa'e sira ninia abilidade iha area oin-oin tuir nesesidade instituisaun nian. Bolsa Estudu ne'ebé finansia programa bolsa estudu ba públiku timoroan em jerál no ba funsináriu públiku sira, no Tipu Formasaun Seluk, programa ne'e abranje ba apoiu estájiu profisionál, Peskiza ho Fiskalizasaun.

FDCH hetan input di'ak tebes husi KROP kona-bá programa sira ne'ebé implemta no kontinua husu atu tau prioridade ba programa principal sira ne'ebé atu hala'o iha tinan 2022.

Aprezentasaun ne'e realiza bazeia ba kalendáriu preparasaun Orsamentu Jerál Estadu (OJE) 2022 ne'ebé sírkula ona liu husi sírkula orsamentu Nú.04/VIII/GMF/2021, previstu atu iha realizasaun Reuniaun Komité Revizaun Orsamentu iha nivel polítika.

Molokaprezenta ba KROP iha laron 09 Setembro Sua Exelensia Vise-Primeira-Ministra asuntu Sosiais Sra. Armanda Berta dos Santos akompaña husi Sua Exelensia Ministru Ensinu Superior, Siénsia no Kultura, Sr. Longuinhos dos Santos, realiza sorumutu Grupu Tékniku Komité Revizaun Orsamentu ba Fundo de Desenvolvimento do Capital Humano (FDCH) ho liña ministerial no instituisaun estadu akreditadu sira ne'ebé akreditadu mai FDCH, iha Ministériu Finansa Aitarak-Laran.

Objetivu husi sorumutu tékniku ne'e hodi halo revizaun ba proposta orsamentu 2022 husi liña ministerial sira no instituisaun estadu sira ne'ebé akreditadu mai FDCH, liu-liu sira ne'ebé prezisa orsamentu adisionál, molok apresenta ba Komite Revizaun Orsamentu Politika (KROP). Durante enkontru téknika ne'e la'o Diretór Ezekutivu Fundo de Desenvolvimento do Capital Humano (FDCH) Sr. Hermenegildo da Silva halo apresentasaun kona-bá ezekusaun orsamentu liña Ministerial no instituisaun sira nian no orsamentu adisionál ne'ebé sira husu hodi finansia programa prioridade sira iha 2022.

Partisipa iha enkontru téknika ne'e representante husi Ministériu Finansas, Unidade Planeamentu Monitorizasun no Avaliasaun (UPMA), Asesor sira husi Ministériu Ensinu Superior Siénsia no Kultura no Asesora Téknika FDCH.

FDCH hari'i no aprovalu husi Parlamentu Nasionál liu husi Lei no 1/II iha laron 14 Feveiriu, Artigu 9 kona ba OGE 2011 baseia ba Artigo 32 Lei no 13/2009,

21 Outubro (LOGF) ne'ebé koalia kona-ba kriausaun Fundo de Desenvolvimento do Capital Humano. FDCH harii ho Objetivu atu dezenvolve planu rekursu umanu Nasionál hodi apoia ba dezenvolvimentu Nasionál iha área oi-oin, mellora di'ak liutan planu, jestaun no implementasaun programa nomós garante lalaok programa ho ninia ezekusaun orsamentu públiku ne'ebé transparente ho despeza governu nian relaciona ho kustus ba formasaun, bolsa-estudu no programa ba dezenvolvimentu rekursu umanu iha Timor-Leste (Média_FDCH)





Diretora Ezekutiva FDCH Sr.a Leila Carceres dos Santos, Presidente IPB Dr. Acacio Cardoso Amaral no Coordenadór GAGESI Sr. Henrique do Rosario asiste hela bolseira Bolsa Hakbiit ne'ebé asina termu kontratu atu hala'ò estudu iha IPB.



Diretora Ezekutiva FDCH Sra. Leila Carceres dos Santos ho Prezidente IPB Dr. Acacio Cardoso Amaral hatudu hela termu kontratu ne'ebé beneficiariu Bolsa Hakbiit asina hodi kontinua sira ninia estudu iha IPB.



Sesaun Foto hamutuk bolseiru Bolsa Hakbiit ho Diretora Ezekutiva FDCH, Prezidente IPB no dosente sira hafoin termina asina kontratu hodi kontinua sira ninia estudu iha IPB.



Diretór Ezekutivu FDCH Sr. Hermenegildo da Silva asina kontratu ho bolseiru Bolsa Hakbiit ne'ebé atu hala'ò sira ninia estudu iha UNTL, iha tinan ne'e bolseiru bolsa hakbiit na'in 480 kontinua sira nia estudu iha UNTL iha area oi-oin



Diretór Ezekutivu FDCH Sr. Hermenegildo da Silva entrega hela kontratu ba bolseiru Bolsa Hakbiit ne'ebé atu hala'ò estudu iha UNTL, ne'ebé akompaña husi Magnífiku reitor UNTL Sr. João Matins .



Sesaun foto hamutuk representa bolseiru bolsa hakbiit ne'ebé hala'ò sira nia estudu iha UNTL hafoin asina kontratu ho Diretór Ezekutivu FDCH, Reitor UNTL ho estrutura, representante Diritorá Jeral Ensinu Superior MESCC.



Bolseira Bolsa Hakbiit ne'ebé atu hala'ò ninia estudu iha ISC asina hela kontratu ne'ebé asiste husi Diretór Ezekutivu FDCH Sr. Hermenegildo da Silva no akompaña husi Koordinadora GAFRHI-FDCH Sra. Josefina Goncalves dos Nascimento.



Bolseiru Bolsa Hakbiit ne'ebé atu hala'ò ninia estudu iha ISC asina hela kontratu ne'ebé asiste husi Diretór Ezekutivu FDCH Sr. Hermenegildo da Silva , Magnífiku Reitor UNPAZ Dr. Adolmando Amaral, Koordinadora UCAE Sra. Amelia da Silva de Araujo.



Diretór Ezekutivu FDCH Sr. Hermenegildo da Silva entrega termu kontratu bolseiru Bolsa Hakbiit ba Magnífiku Reitor ISC Dr. Sebastião Pereira ne'ebé akompaña husi prezidnete fundasaun ISC Agostinho dos Santos.




Benefisiariu Bolseiru Bolsa Hakbiit partisipa iha serominia asina kontratu no entrega bolseiru sira husi FDCH ba UNPAZ, iha tinan ne'e bolseiru na'in 40 hala'ò sira nia estudu iha UNPAZ iha area oin-oin.



Diretór Ezekutivu FDCH Sr. Hermenegildo da Silva hato'ò nia breves palavras iha seriminia asina kontratu no entrega bolseiru sira ba ISC , iha tinan ne'e bolseiru na'in 65 ne'ebé hala'ò sira nia estudu iha area oin-oin.



Sesaun foto hamutuk representa bolseiru bolsa hakbi'it ho Diretor FDCH, Magnífiku Reitor UNPAZ ho estrutura hafoin asina termu kontratu hodi hala'ò estudu iha UNPAZ.



Diretór Ezekutivu FDCH Sr. Hermenegildo da Silva ho reverendisima Reitor IPDC Madre Ervina Martins Belo fó hatais almamer ba bolseiru bolsa hakbiit hafoin asina tiha kontratu hodi halaò estudu iha IPDC.



Bolseiru Bolsa Hakbiit ne'ebé atu halaò estudu iha Instituto Boaventura Timor-Leste IBTL hasoru malu ho Diretór Ezekutivu FDCH, Sr. Hermenegildo da Silva molok aranka ba halaò sira nia estudu.



Diretór Ezekutivu FDCH Sr. Hermenegildo da Silva hatoò ninia breves palavras iha serimonia asina kontratu no entrega bolseiru bolsa hakbiit ba IPDC, iha tinan ne'e bolseiru na'in 20 halaò sira nia estudu iha IPDC iha area oi-oim.




Bolseira Bolsa Hakbiit ne'ebé atu halaò ninia estudu iha IBTL asina hela kontratu ne'ebé asiste Prezidente Fundasaun IBTL Sr. Reak Leman ho Kooredanador GAGESI -FDCH Sr. Henrique do Rosario.



Sesaun foto hamutuk Diretór Ezekutivu FDCH, Sr. Hermenegildo da Silva, reverendisima Reitor IPDC Madre Ervina Martins Belo ho estrutura no ekipa husi FDCH ho Bolseiru sira hafoin asina kontratu hodi halaò estudu iha IPDC.



Sesaun foto hamutuk bolseiru sira programa bolsa hakbiit ho Reitor IBTL, Prezidente Fundasaun IBTL, Koordeandor GAGESI-FDCH Sr. Henrique do Rosario, hafoin asina termu kontratu atu halaò estudu.



Diretór Ezekutivu FDCH Sr. Hermenegildo da Silva ho Magnífiku Reitor DIT Dr. Alvaro Menezes Amaral asina hela kontratu ho Bolseiru sira Bolsa hakbiit neêbe atu halaò sira nia estudu iha DIT.



Magnífiku Reitor DIT Dr. Alvaro Menezes Amaral hatoò ninia breves palavras iha serimónia asina kontratu no entrega bolseiru bolsa hakbiit husi FDCH ba DIT.



Bolseiru sira bolsa hakbiit"it partisipa iha serimónia asina kontratu no entrega sira husi FDCH ba DIT hodi halaò sira nia estudu iha area oi-oin, iha tinan neê bolsieru FDCH hamutuk na'in 50 mak halaò sira nia estudu iha DIT.




Diretór Ezekutivu FDCH Sr. Hermenegildo da Silva ho Magnífiku Reitor ISJB Pe. Cidelizio Hornai Pereira asina hela kontratu bolseiru sira neêbe atu halaò sira nia estudu iha ISJB.



Reitor ISJB Pe. Cidelizio Hornai Pereira ho bolseiru bolsa hakbiit ida hatudu hela kontratu neêbe asina ona hodi kontinua halaò estudo iha ISJB.



Sesaun foto hamutuk Diretór Ezekutivu FDCH,Sr. Hermenegildo da Silva akompana husi ekipa no Magnífiku Reitor ISJB Pe. Cidelizio Hornai Pereira no estrutura ho bolseiru sira bolsa hakbiit neêbe atu halaò estudo iha ISJB.



Dirètór Ezekutivu FDCH Sr. Hermenegildo da Silva ho Prezidente JSU/I Dr. João Mariano Saldanha asiste hela bolsieru bolsa hakbi'it na'in rua ne'ebé asina kontratu hodi kontinua sira nia estudu iha JSU/I



Dirètór Ezekutivu FDCH Sr. Hermenegildo da Silva hataò hela ninia breves palavras iha serimónia asina kontratu no entrega bolsieru bolsa hakbiit ba JSU/I.



Sesaun foto hamutuk Dirètór Ezekutivu FDCH Sr. Hermenegildo da Silva ho Prezidente JSU/I Dr. João Mariano Saldanha ho estudante bolsieru bolsa hakbiit hafoin asina tiha kontratu.




Koordenadór GAPLO-FDCH Sr. Eusebio A. G. G. Barreto representa Dirètór Ezekutivu FDCH akompaña husi Koordenadora UCAE-MESCC Sra. Amelia da Silva de Araújo entrega bolsieru bolsa hakbi'it ba ISC ne'ebé simu direita husi Magnífiku Reitor Sr. Domingos Soares.



Koordenadór GAPLO-FDCH Sr. Eusebio A. G. G. Barreto akompaña husi Koordenadora UCAE-MESCC Sra. Amelia da Silva de Araújo no Magnífiku Reitor Sr. Domingos Soares asiste hela bolsieru sira asina kontratu hodi kontinua sira nia estudu iha iha ISC.



Sesaun foto hamutuk Koordenadór GAPLO-FDCH Sr. Eusebio A. G. G. Barreto akompaña husi Koordenadora UCAE-MESCC Sra. Amelia da Silva de Araújo no Magnífiku Reitor Sr. Domingos Soares. Ho bolsieru sira hafoin termina asina kontratu.



Koordenadór GAGESI-FDCH Sr. Henrique do Rosario ho bolseiru bolsa hakbi'it ida hatudu hela termu kontratu ne'ebé bolseiru ne'e asina hodi kontinua ninia estudu iha UNDIL.



Koordenadór GAGESI-FDCH Sr. Henrique do Rosario representa Diretór Ezekutivu FDCH entrega bolseiru bolsa hakbi'it na'in 40 hodi kontinua halaò estudu iha UNDIL, bolseiru sira simu direita husi Vise Reitor I Sr. Francisco Martins da Silva.



Sesaun foto hamutuk Koordenadór GAGESI-FDCH Sr. Henrique do Rosario Vise Reitor I Sr. Francisco Martins da Silva ho bolseiru sira bolsa hakbi'it hafoin termina asina kontratu hodi kontinua sira nia estudu iha UNDIL.



Diretór Ezekutivu FDCH Sr. Hermenegildo da Silva akompana husi Magnifiku Reitor Sr. Florindo Pereira asina kontratu ho bolseiru sira bolsa hakbi'it ne'ebé atu halaò sira nia estudu iha UNITAL.



Diretór Ezekutivu FDCH Sr. Hermenegildo da Silva fó hatais almamter ba bolseiru bolsa hakbi'it ne'ebé atu halaò estudu iha UNITAL hafoin asina tiha termu kontratu.



Sesaun foto hamutuk Diretór Ezekutivu FDCH Sr. Hermenegildo da Silva Magnifiku Reitor UNITAL Sr. Florindo Pereira ho bolseiru sira hafoin asina kontratu ho bolseiru sira bolsa hakbi'it ne'ebé atu halaò sira nia estudu iha UNITAL.



Diretór Ezekutivu FDCH Sr. Hermenegildo da Silva hatò ñia breves palavras iha serimónia asina kontratu no entrega bolseiru bolsa Hakbi'it na'in 40 ne'ebé atu halao estudu iha IOB.



Bolseiru sira programa bolsa hakbiit asina termu kontratu hodi kontinua sira ninia estudu iha IOB ne'ebé asiste direita husi Diretór Ezekutivu FDCH Sr. Hermenegildo da Silva koordinador GAPLO Sr. Eusebio A. G. G. Barreto no Koordinadora UCAE-MESCC Sra. Amelia da Silva de Araújo.



Sesaun foto hamutuk Diretór Ezekutivu FDCH Sr. Hermenegildo da Silva ho ekipa, Vise Reitor IOB Sr. Antonio Soares Martins ho estudante sira bolseiru bolsa hakbiit ne'ebé atu kontinua sira ninia estudu iha IOB.



Konsellu Administrasaun FDCH (CA-FDCH) realiza enkontru ba dala 21 no daruak nian iha mandatu VIII Governu ne'ebé Prezide husi Prezidente CA-FDCH S.E. Ministru Ensinu Superior Siensia no Kultura Sr. Longuinhos dos Santos iha salaun Novo turismu.



Diretora Ezekutiva FDCH Sesante Sra. Leila Carceres dos Santos halo apresentasaun kona-bá progresu taxa ezekusaun orsamentu livru 6 iha enkontru Konsellu Administrasaun ba dala 21 no daruak nian iha mandatu VIII Governu iha salaun Novo turismu.



Koordenadores FDCH participa iha enkontru Konsellu Administrasaun FDCH (CA-FDCH) ba dala 21 no daruak nian iha mandatu VIII Governu ñia mandatu ne'ebé realiza iha salaun Novo turismu.



Prezidente CA-FDCH S.E. Ministru Ensinu Superior Siensia no Kultura Sr. Longuinhos dos Santos Prezide enkontru CA-FDCH ba dala 21 no dala rua iha mandatu VIII Governu nian ne'ebé hala'o iha salaun Novo Turismo .



Prezidente CA-FDCH ho memebro permanente sira hasai foto hamutuk ho diretór Ezekutivu no kargu xefia sira Sekretariadu Tekniku FDCH nian hafoin remata enkontru CA-FDCH ba dala 21 no daruak iha mandatu VIII Governu nian iha salaun enkontru Novo Turismo.



Foto hamutuk Diretora Ezekutiva Sesante Sra. Leila Carceres do Santos ho diretór foun ho funsionariu sira hafoin CA-FDCH nomeia Sr. Hermenegildo da siva hodi subtitu diretora sesante ne'ebé husu rezigna-an tanba asuntu familia.



Diretora Ezekutiva FDCH Sesante Sra. Leila Carceres do Santos entrega relatoriu fim do mandato ba Prezidente CA-FDCH ho membru permanente sira hafoin CA-FDCH nomeia Sr. Hermenegildo da siva hodi subtitu diretora sesante ne'ebé husu rezigna-an tanba asuntu familia.



Sesaun foto hamutuk Diretora Ezekutiva FDCH Sesante Sra. Leila Carceres do Santos hafoin entrega relatoriu fim do mandato ba Prezidente CA-FDCH ho membru permanente sira hafoin CA-FDCH nomeia Sr. Hermenegildo da siva hodi subtitu diretora sesante ne'ebé husu rezigna-an tanba asuntu familia.



Sesaun foto hamutuk Prezidente CA-FDCH ho membru permanente sira ho Diretora Ezekutiva FDCH Sesante Sra. Leila Carceres do Santos direktor Ezekutivu foun Sr. Hermenegildo da siva hafoin hetan nomeiasaun iha enkontru CA-FDCH hodi subtitu diretora sesante ne'ebé husu rezigna-an tanba asuntu familia.

PERFIL FDCH



FUNDO DE DESENVOLVIMENTO DO CAPITAL HUMANO

1.KONA-BA FDCH (FUNDO DE DESENVOLVIMENTO DO CAPITAL HUMANO)

1.1.Estabelesimentu

FDCH hari no aprovađu husi Parlamentu Nasionál liu husi Lei no 1/II iha loron 14 Feveiru, Artigu 9 kona ba OGE 2011 baseia ba Artigo 32 Lei no 13/2009, 21 Outubro (LOGF) ne'ebé koalia kona-ba kriaun Fundo de Desenvolvimento do Capital Humano (FDCH).

1.2.Baze Legal

FDCH regulamenta liu hosi Dekretu-Lei foun nº13/2020 de 15 de Abril, Regulamento do Fundo de Desenvolvimento do Capital Humano no ne'ebe jestaun fundu nian kabe ba "Conselho de Administração" haktuir linas jerais ba politika governamental artigo 4.º.

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne'ebé dezempeña servisu Espesializada atu halo koordinasaun téknika ho orgaun governu ne'ebé iha nesesidade atu desenvolve programas no projetus ba desenvolvimento kapital umanu tuir área kompetensia ida-idak nian.

1.3.Objetivu

Objetivu Jerál ba estabelesimentu fundu nian mak: "atu desenvolve planu rekursu umanu Nasionál hodi apoia ba desenvolvimento Nasionál iha área oi-oin, mellora di'ak liutan planu, jestaun no implementasaun programa nomós garante lalaok programa ho ninia ezekusaun orsamentu públiku ne'ebé transparente ho despeza governu nian relasiona ho kustus ba

formasaun, bolsa-estudu no programa ba desenvolvimento rekursu umanu iha Timor-Leste".

Estabelesimentu Fundo Desenvolvimento do Capital Humano iha ninia objetivu hodi hari'i hanesan mós atu:

- Asegura jestaun finanseiru ba investimentu públiku iha área formasaun no desenvolvimento rekursu umanu nasional;
- Garantia seguransa ba negosiasaun, asinatura ba akordu no projetu sira plurianuais;
- Mantein verbas orsamentu ne'ebé prevé ba FDCH iha final tinan fiskal ho objetivu atu garantia continuidade programa no projetu formasaun;
- Promóve transparênsia no responsabilidade liuhosi mekanismu no prosidimentu Relatório no prestasaun servisu sobre prosesu ezekusaun programa formasaun no projetu desenvolvimento kapital umanu.

1.4.Funsaun Jerál

Sekretariadu FDCH iha funsaun Jerál, atu :

- 1.Koordena planu desenvolvimento rekursu umanu iha Timor-Leste, implementasaun no ezekusaun orsamentu FDCH nian;
- 2.Avalia rezultadu atividades formasaun no bolsa-estudu;
- 3.Koordena ho parseiru hot-hotu ba qualidade.

1.5.Estrutura

Bazeia ba artigu 5. Dekretu-Lei n.o 13/2020, 15 Abril, Conselho de Administração do FDCH (CA-FDCH) kompostu husi Ministru Ensinu Superiór, Siénsia no Kultura (MESCC), Ministru Finansas, Ministru Justisa, Ministru Petróleu no Minerais no Sekretáriu Estadu Formasaun Profisionál no Empregu (SEFOPE).Ho nune'e, estrutura ba Conselho de

Administração (CA-FDCH) iha ninian kompozisaun mak hanesan:

1. Ministru Ensinu Superiór, Siénsia no Kultura (MESCC) nudár Prezidente ba CA-FDCH
2. Ministru Finansas – Membru Permanente ba CA-FDCH;
3. Ministru Justisa– Membru Permanente ba CA-FDCH;
4. Ministru Petróleu no Mineráis – Membru Permanente ba CA-FDCH no
5. SEFOPE – Membru Permanente ba CA-FDCH

2. JESTAUN BA FDCH

2.1. Konsellu Administrasaun FDCH:

Konsellu Administrasaun mak orgaun ne'ebé halo dezisaun iha Sekretáriadu FDCH. Papél konsellu nian mak atu fô konsellu ba política, aprovasaun no dirasaun kona-ba desenvolvimentu rekursu umanu iha Timor-Leste nomós programa FDCH no projetu sira iha Timor-Leste. Konsellu ne'e iha mós responsabilidade Jerál ba jestaun FDCH. Espesifikamente, Konsellu Administrasaun iha mandatu tuir artigu 6, Dekretu Lei mak hanesan:

1. Aprova planu asaun anual Fundu nian
2. Aprova proposta orsamentu anual Fundu nian
3. Aprova planu aprovizionamentu anual Fundu nian
4. Aprova relatóriu atividades anual Fundu nian
5. Aprova relatóriu kontas anual Fundu nian
6. Aprova relatóriu anual aprovizionamentu Fundu nian
7. Aprova programas, projetus no atividades seluk ne'ebé atu finansia husi Fundu, no mós estimativa ba kustu sira, bazeia ba prioridades ne'ebé estabelese husi Konsellu Ministrus.
8. Aprova opsaun sira ba finansionamentu kada programa no projetu ne'ebé atu finansia
9. Autoriza pagamentus no despezas tomak ne'ebé realiza husi Fundu CA-FDCH bele delga ba Diretór Ezekutivu kompeténsia sira ne'ebé prevista iha alínea g) to'o i) husi artigu 6.o Dekretu-Lei n.o 13/2020, 15 Abril, ne'ebé reflète iha parágrafu anteriór.

2.2. Enkontru Konsellu Administrasaun FDCH:

Regula iha 7. Dekretu-Lei n.o 13/2020, 15 Abril, Funsionamentu ba CA-FDCH nian, hanesan tuir mai ne'e:

1. CA-FDCH reúne, ordinariamente, tinan ida dala ida, no bainhira konvoka husi Prezidente liu husi ninia inisiativa rasik ka liu husi rekerimentu maioria husi ninia membru sira.
2. Diretór Ezekutivu konvokadu hodi partisipa mós iha reuniaun sira CA-FDCH nian, maibé laiha direitu ba votu
3. Bele mós konvoka entidade sira seluk hodi partisipa iha reuniaun sira CA-FDCH nian, maibé laiha direitu ba votu, no sempre konsidera katak sira nia partisipasaun ne'e relevante
4. CA-FDCH bele deit delibera bainhira direitu votu mai husi metade husi ninia membru sira ne'ebé partisipa
5. CA-FDCH delibera liu husi maioria simples husi ninia membru sira ne'ebé presente, Prezidente maka iha votu qualidade
6. Karik falta, auzénsia ka impedimentus ruma husi Prezidente,

Prezidente designa ninia substitutu entre restante membru sira CA-FDCH nian

7. Deliberasaun sira CA-FDCH nian fundamenta no hakerek iha ata, ne'ebé elabora husi Diretór Ezekutivu. Entidade ne'ebé responsavel ba operasaun tomak iha Fundo ne'e mak Conselho de Administração

2.3. Estrutura Orgânika Sekretáriadu Tékniku FDCH nian.

Artigu 12. Dekretu-Lei n.o 13/2020, 15 Abril, prevé estrutura orgániku-funsional Secretariado Técnico nian hanesan tuir mai ne'e:

- a) Diresaun Nasionál ba Planu, Peskiza, Monitorizasaun no Fiskalizasaun;
- b) Diresaun Nasionál ba Koordenasaun no Ezekusaun Programas no Projetus no Jestaun ba Sistema Informasaun;
- c) Diresaun Nasionál ba Servisus Pagamentus;
- d) Diresaun Nasionál ba Administrasaun, Finansas no Rekursus Umanus; no
- e) Diresaun Nasionál ba Aprovizionamentu. Diresaun Nasionál sira diriji husi Diretór Nasionál, tuir rejimi kargus direasaun no xefia administrasaun pública no imediatamente subordina ba Diretór Ezekutivu.

2.4. Papel Sekretáriu Tékniku FDCH nian

Haktuir iha artigu 8. Dekretu-Lei n.o 13/2020, 15 Abril, ba ezersísiu kompeténsia CA-FDCH nian, CA-FDCH hetan apoiu husi Secretariado Técnico do Fundo de Desenvolvimento do Capital Humano, designadu nudár Secretariado Técnico.

Secretariado Técnico nudár servisu apoiu ne'ebé integra iha estrutura orgánika Ministériu Ensinu Superiór, Siénsia no Kultura (MESCC).

Regula iha artigu 9. Dekretu-Lei hanesan, kompeténsia Secretariado Técnico nian maka hanesan tuir mai ne'e:

Presta apoiu tékniku no administrativu ba CA-FDCH

Koordena, akompaña no avalia teknikamente programa bolsa estudu hotu-hotu ne'ebé destinadu ba ema hirak ne'ebé laiha vinkulu ba Administrasaun Pública

Artikula ho Komisaun Funsau Pública (CFP) no ho Institutu Nasionál Administrasaun Pública (INAP), finansiamentu no implementasaun ba programas no projetus formasaun funsionárius públikus, no mós akompaña no monitoriza programa no projetu sira

Asesora teknikamente CA-FDCH iha avaliaun ba relevánsia projetu sira ne'ebé atu dezenvolve, no mós kona-ba nesiedade sira kona-ba ninia implementasaun

Koordena no apresia preliminarmente projetu sira ne'ebé propostu ba Fundu no submete ba apresiasaun CA-FDCH nian

Elabora programa no projetu sira ne'ebé aprova husi CA-FDCH Dezenvolve mekanismu nesésariu sira ba definisaun projetu sira kona-ba bolsas estudu no formasaun téknika iha rai-laran no iha estranjeiru

Promove elaborasaun ka revizaun ba leislasaun aplikável iha matéria bolsas estudu nian

Koordena prosedimentu sira ba abertura konkursu, selesaun pur méritu, atribuisaun bolsas, no mós prosedimentu seluk ne'ebé prevista iha lejislasaun sira ne'ebé aplikável iha matéria bolsas estudu.

Promove elaborasaun ka revizaun ba lejislasaun ne'ebé aplikável ba bolseiru sira, ho objetivu atu inkorpora mekanismu sira ba akompañamentu no forma sira ba avaliasaun ba sira nia atividades. Presta ka fõ apoiu ba CA-FDCH iha opsaun sira ba finansiamentu investimentu públiku iha formasaun no dezentvolvimentu rekursus umanus nasionais

Dezenvolve prosedimentu sira ne'ebé garante seguransa iha negosiasaun no asinatura akordus, programas no projetus plurianuais

Elabora relatóriu sira prestasaun kontas kona-ba ezekusaun programas no projetus Fundu nian

Mantém arkivu ida ba atas reuniaun CA-FDCH nian

Hala'õ tarefa sira seluk ne'ebé determina husi lei, regulamentu ka determinasaun husi superiõr.

Estabelese iha artigu 10.o Dekretu-Lei hanesan, Secretariado Técnico diriji husi Diretõr Ezekutivu FDCH, nomeadu liu husi rejimi komisaun servisu, tuir Lei, ho durasaun mandatu tinan 4, renovável dala ida deit ho periõdu ne'ebé hanesan.

3. PROSESU NO MANDATU

3.1. Prosesu Submisaun Projektu iha FDCH

Iha artigu 8º husi Diploma Ministerial no 09/2011, koalia kona ba prosesu submete dokumentu projetu sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projetu sira ba Sekretáriadu Tékniku hodi bele hetan konsiderasaun husi Konsellu Administrasaun;
- Sekretáriadu Tékniku maka responsavel hodi koordena ba halibur projetu sira ne'ebé propoin husi orgaun Governu nian, hodi bele submete ba hetan apresiasaun husi Konsellu Administrasaun, nune'e mós kona-ba implementasaun programa foun no projetu sira ne'e aprovalu husi Konsellu Administrasaun.
- Projetus sira ne'ebé submete ba Sekretáriadu minimu loraun 10 antes enkontru tuirmai Konsellu Administrasaun nian.

Artigu 9º - Dokumentu sira ne'ebé akompaña projetus:

Projektu sira ne'ebé atu submete ba Sekretáriadu Tékniku ba Dezenvolvimentu Kapital Umanu ka ne'ebé dezenvolve hela, tenki akompaña ho dokumentasaun téknika sira liuliu hanesan informaun tuirmai ne'e:

- Objetivu estratéjiku ba projetu;
- Parte ne'ebé envolve;
- Benefisiariu diretu;
- Fatin projetu;
- Durasaun;
- Kustu;
- Relevansia projetu;
- Espesifikasaun importante liu ba projetu;
- Nesesidade implementasaun;

- Impaktu ka efeitu husi projetu;
- Adekuasaun ba Programa Governu no kuadru legal atual. Aprovalu iha aneksu diploma, ne'ebé sai hanesan parte integral ne'e maka pakote formulariu sira no sumariu ba deskrisaun projetu sira, inklui mós iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminaru ba projetu:

Kompetensia Sekretáriadu Tékniku ba Dezenvolvimentu Kapital Umanu ba apresiasaun preliminaru kona-ba projetu sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu proponente, karik seidak kumpri rekeztu sira no formalidade sira maka prevista iha diploma ne'e no seidak haree forma ou dokumentu adekuvadu ne'ebé hato'o;
- Hato'o ba Prezidente Konsellu Administrasaun ita nia ajenda.

Kompetensia Sekretáriadu Tékniku ba Dezenvolvimentu Kapital Umanu mós kona-ba dezeña projetu sira ne'ebé difinidu iha Konsellu Administrasaun, nomós preparasaun ba proposta projetu sira ne'ebé konsidera relevante.

Sirkulasaun entre membru sira iha Konsellu Administrasaun ba projetu ne'ebé mak atu avalia, akontese loraun 3 molok enkontru Konsellu Administrasaun nian.

3.2. Mandatu Diretora Ezekutivu FDCH

Mandatu no papel Diretora Ezekutivu FDCH nian, hakerek iha Artigu 10º iha Diploma Ministerial no 13/2020, 15 de Abril 2020, kona-ba kompetensia atu jere no tau matan ST-FDCH iha ninia funsionamentu lor-loraun.

Aleinde ida-ne'e, Diretora Ezekutivu Fundu nian hetan mós mandatu no póder husi Konsellu Administrasaun liuhosi DESPAXU n.º 1 /CA - FDCH/II/16, DELEGASAUN KOMPETENSIA atu bele iha responsavel masimu reprezenta Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondensia ne'ebé tama, no asinatura ba karta ofisial sira mak haruka ba orgaun no servisu sira tutela ba FDCH ka entidade nasionais públiku no privadu;
- Jestaun no administrasaun ba rekursu patrimoniu ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'õ prosedimentu sira tuir lei aprovizionamentu, liuliu loke no adjudikasaun, nomós asina kada kontratu prestasaun servisu relasiona ho apoiu tékniku husi FDCH, to'õ montante masimu ne'ebé permite tuir lei ba Ministru ida;
- Hala'õ prosedimentu sira tuir lei aprovizionamentu, liuliu loke no adjudikasaun, nomós asina kada kontratu, relasiona ho fornimentu sasan, prestasaun servisu ka ezekusaun ba obra FDCH nian, to'õ montante masimu ne'ebé permite tuir lei ba Ministru ida;
- Autoriza despeza/gastus ba orsamentu FDCH nian, hanesan

responsavel masimu ba servisu, bele nomea responsavel balun hodi autoriza asinatura ofisial ba Formulariu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojística, nomós ofisiais sertifikasaun no autorizasaun iha Fundu, kuandu nesesariu;

- Aprova pedidu sira adiantamente no presiza hari'i prestasaun serbisu, nune'e mós verifika kada relatóriu;
- h) Aprova viajen asesor sira nian ou funsiunáriu sira iha FDCH;
- Valida Planu Anual, Planu Aprovizionamentu no Planu Ezekusaun Orsamentu;
- Valida Relatóriu progresu orsamentu no Relatóriu Anual Preliminariu.

3.3.Rekursu Finanseira FDCH nian

Fonte orsamentu FDCH nian mai husi dotasoens estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba dezvoltimentu rekursu umanus nia iha Timor-Leste, liu-liu fahe ba programas ha'at (4), ma'ak hanesan:

3.3.1.Programa Formasaun Profissional (Kodígu Programa 810)

Maioria orsamentu ba programa ne'e, sei finansia ba atividades formasaun profissional iha Centro de Formasaun ne'ebé SEPFOPE (Secretária do Estado da Política de Formação Profissional e Emprego) halo konta ka tau-matan ba, inklui mós programa Liñas Ministeriais (LM) sira seluk ne'ebé konsentra ba formasaun funsiunárius ka empregadu sira nebé hasa'e kualifikasaun bada'en ka skills iha área enjñeria no sira seluk tan tuir padraun iha QQTL (Quadramento Qualificação de Timor-Leste) ka iha lian inglês ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Desenvolvimento de Mão de Obra) – SEPFOPE ba nível formasaun profissional no mós husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplu: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramentu) hetan akreditasaun husi ANAAA-MdF.

Programa ne'e iha ninian objetivu atu finansia Liñas Ministeriais (LM) sira nian funsiunáriu hodi prepara no hasa'e kompetências abilidade timoroan sira nian, liu-liu ba jovens feto no mane bazeia ba ejjensia ba nesessidades industria ka mercadu traballu nian ka abilidades ne'ebé ho natureza ka karakter níveis sertifikasaun.

3.3.2.Programa Formasaun Téknika (Kodígu Orsamentu 811)

Programa ne'e fo'ó apoiu tomak ba dezvoltimentu kapasidade funsiunáriu Estadu nian ka ajentes iha Estadu tomak ba área oin-oin, haktuir planu no prioridades governu nian ba setór hotu-hotu ho objetivu atu aumenta matenek no dezvoltolve

nomós mellora di'ak liu tan prestasaun servisu ajentes ka mákina estadu hodi serbii di'ak liu tan iha sira-nia servisu fatin.

Formasaun ba iha futuru mai sei depende ba rekeztu ka regras no leis Regime de Carreira husi Comissão da Função Pública (CFP) hodi nune'e bele assegura liu tan política estadu nian hodi hare ba competências no pozisaun funsiunáriu idak-idak ida dezvoltimentu estadu ne'e.

Níveis no área ba formasaun sei adapta tuir regras da função pública, inklui mós prioridades estadu nian ne'ebé sei foti referênsia husi "Estudo Mapeamento Nacional ba Prioridades Recursos Humanos ba iha Setor Públiku no Privadu" ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomós aprova iha Conselho de Ministro (CdM) iha lora 23 de Agosto 2016, hodi responde mós ba objetivu PEDN (Planu Estratégico do Desenvolvimento Nacional) 2011-2030.

3.3.3.Programa Bolsas Estudus-BdE (Kodígu Orsamentu 812)

Programa ne'e ninian foku no objetivu ma'ak atu finansia Timor-oan feto no mane hodi hetan oportunidade atu kontinua ba estudu nível ensinu superior hahu husi níveis Diploma 1 to'ó nível Doutoramentu haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Instituto Superior sira tantu iha rai-laran no rai-liur. Áreas estudu sei haktuir prioridades governu no nesessidades nasaun ninian.

Oportunidade ba Bolsa de Estudo sei aplika ba funsiunárius estadu nian nomós públiku timoroan feto no mane hahu husi tinan 17 to'ó tinan 50 depende ba níveis eskolar.

Prosesu Bolsa de Estudo sei liuhosi konkursu formal ne'ebé Ministério ka Instituisaun Estadu RDTL ida ma'ak tenki organiza ho aprovasaun husi CA-FDCH ne'ebé sei determina no aprova proposta mai husi LM ne'ebé mak organiza programa ne'e.

Apoiou finanseiru husi FDCH ba programa ne'e, bele liuhosi meius rua (2):

3.3.3.1. Programa Bolsa Estudu Kompletu (Full Scholarship);

Programa ne'e sei hetan apoiu másimu husi FDCH hodi selu ka kobre ba kustu Propinas Eskola, Kustu ba Vida moris nian (Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudu, kustu material didaktiku no Kusto balun tan hanesan peskiza ba finalista nian.

Importante ka obrigasaun atu estabelese akordu memorandum entre Instituisaun iha Estadu RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de

estudo tenki koordena mós ho MNEC (Ministério dos Negócios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mós ho Consulados RDTL nian.

Atu FDCH bele aprova no ezekuta pagamentu ba programa ne'e, precisamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.

Parte seluk, tenki iha mós akordu kontratu entre instituisaun nebé organiza ho bolseiru sira hodi koalia kona ba "Deveres ka Obrigasaun, Responsabilidade, Sanksoens" husi parte hotu-hotu atu nune'e bele garante programa ne'e ninian sussesu.

3.3.3.2. Bolsa de Estudo Parcial (BEP) liu husi Subsídio Individuais (SI);

Aparte husi programa bolsa de estudo iha FDCH nebé liu husi prosesu konkursu formal organizadu husi LM ka FDCH rasik, haktuir matadalan ba formasaun no bolsa de estudo FDCH nian, iha mós verba ka orsamentu balun alokadu atu fo'o subsidio orsamentu balun nebé sei fornese ba Timor-oan sira nebé estuda hela iha nível ensino superior, tantu iha rai laran ka ba iha instituisaun sira rai liur nian.

Objetivu husi apoio ne'e ma'ak hanesan tulun ida komplementar (subsídio complementar) ka hanesan ajudo ka apoio financeiro balun hodi fo'o ba estudantes Timor-oan ida husi nível Diploma-1 to'o fali nível de estudo Doutoramento, nebé iha valores ka notas escolar di'ak durante prekursu akadémiku nian.

Apoio subsidio ne'e sei fo'o dala ida deit ba estudante ida dala ida wainhira hetan rekomendasaun husi Comité Avaliasaun Proposta Subsídios (CAPS) hodi elabora no hato'o parecer ba CA-FDCH haktuir Artigu 11o ponto 3o iha Diploma Ministerial no 11/2011, 13 de Abril. Kompozisaun ba CAPS husi Secretário Executivo do FDCH nebé prezidi, membros ma'ak Coordenadores iha Secretariado FDCH nian, hanesan: GAPPEFIV, GARHI, GASEPA, GAPLO no GAGESI.

Kritérius jerais atu avalia ba propostas subsidiús individuais no subsidiús finalistas, ma'ak hanesan tuir mai ne'e:

Proposta subsidiús tenki dirije ba CA-FDCH ka Presidente CA-FDCH hodi esplika necessidades estudo no dificuldade finanseira nebé estudante ida hasoru. Maibe bele mós dirije diretamente ba Secretário Executivo do FDCH wainhira iha delegasaun kompetências husi CA-FDCH ka Presidente do CA-FDCH ka Ministro tutelado;

Dokumentus nebé presiza atu anexa ma'ak:

a) Carta Pedido ka rekerimentu dirije ba Presidente CA-FDCH ka Secretário Executivo FDCH nian wainhira hetan delegasaun;

b) Detalhes tabela orsamentu ne'ebé kobre deit ba (laos selu ba item tomak): Propinas (dala ida deit), Materiais Didaktika, Kustu Pratika ka Peskiza Finalista no Teze;

- Karta komprovativu (Surat Pernyataan) sei aktivu iha escola ka hanesan estudante finalista;
- Notas ka valores escola nian ka transcript husi hahu escola to'o final (pelo menos notas semestre ida nian);
- Kopía Kartaun Estudantes (ID Card/ Kartu Mahasiswa);
- Kopía Kartaun Billete Identidade (iha proposta iha rai-laran) ka Kopía Passaporte ba iha estudante iha rai-liur;
- Kopía Konta Bankária ho número Swift Code/ IBAN no assina iha leten.
- Notas ka valores nebé hatama tenki atinji, pelu-menus;
- Valor notas em total 10 ba iha países/ nasaun CPLP;
- GPA ka total media ho 2,75 ba iha nasaun Inglêses;
- IPK ka total media pelu menus 3 ba Universidades Privadas no IPK 2,75 ba Universidades Públicos iha Indonésia.
- Ba estudante ida so bele hetan apoio subsidio dala ida deit. Ho razau tamba FDCH tenki garante katak orsamentu sei disponivel ba Timor-Oan hotu-hotu nebé mós iha direito hanesan.

Maibe se wainhira hetan rekomendasaun no aprovasaun diretamente husi CA-FDCH ka Presidente do CA-FDCH, pedidu ne'e sei prosessa iha Secretariado FDCH ho rekizitus pagamentus nebé iha, inkluidu halo kontratu ba bolsa parsial nian, haktuir iha Diploma Ministerial no 09/2011, 13 de Abril, iha Ponto 3º, Artigu 11o, nebé koalia:

"No caso de pedidos individuais de apoio por cidadãos Timorenses, compete ao Secretariado a coordenação da selecção por mérito e submissão dos mesmós ao Conselho de Administração."

Programa ne'e, bele mós aplika, wainhira iha parceria entre estadu RDTL ho Instituisaun ruma nebé fornese Bolsas metade ka Inan-Aman sira ne' be selu rasik sira nian oan, tantu atu kobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estadu RDTL ho parceiro ruma interna ka externa (rai-liur).

3.3.4. Tipu Formasaun Seluk (Outros Tipos de Formação) – (Kodígu Orsamentu 813)

Programa ne'e abranje ba apoiu Estajiu Profisional, Peskiza ho Fiskalizasaun ne'ebé ho ninia beneficiariu hahu husi 2011 to'o ohin laron 11,907 husi número ne'e Feto 4,150 no Mane 7,757. Programa ne'e hanesan mós programa sira seluk, apresenta proposta no hetan aprovasaun husi CA-FDCH.

Bazeia ba Livru do Orsamentu no 6, hahu kedas husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estadu iha Ministério das Finanças hodi halo súmario no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) prezidida husi Primeiro Ministro da RDTL nudar Presidente do CROP.



Depois hetan tiha aprovasaun husi CROP, proposta orsamentu ne'e sei lori fali ba iha Conselho de Ministros (CdM) hodi deskute final no lori ba iha Parlamento Nacional atu hetan mós aprovasaun, antes atu lori ba iha Presidente da República atu promulga.

3.4. Relasaun Parceria entre Secretariado FDCH, Liñas Ministeriais no Parceiro Sira Seluk.

Programas nebé finansiadu husi FDCH, maioria financia planus no programas prioridades ba dezvoltimentu recursos individuos iha orgaun estadu tomak iha RDTL, inkuindu LM, Orgaun Autonomas, Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estadu ida.

Setor privadu ka públiku Timor-Oan seidak permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH nian ho orgaun estadu no governu sira ma'ak sei halo parceria atu nune'e bele involve individu ka instiuisaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.



"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, forma-saun no diferente opsaun profision-al"

(Taur Matan Ruak, Discurso do 1º Ministro - Tomada de Posse 22 - 06 -2018)





REPÚBLICA DEMOCRÁTICA DE TIMOR-LESTE
Ministério do Ensino Superior Ciência e Cultura (MESCC)
Secretariado Técnico

FUNDO DE DESENVOLVIMENTO DO CAPITAL HUMANO - FDCH
Eis Edifício do MF Edifício 5, 1º Andar, Palácio do Governo, Díli, Timor-Leste .



Vizita Ami iha



website oficial FDCH
www.fdch.gov.tl

Eis Edifício do MF Edifício no.5, 1º Andar, Palácio do Governo,
Dili, Timor-Leste